

Q-96

1  
= 1  
4.4

Spec.  
140

N<sup>o</sup> 141

2000

87

140

Р 4  
34958

# ԱԶԳԱԲԵՆԱԿԱՒԹԻՒՆԸ

64

## ԱԶԳԱԲՆԱԿՁԱԿԱՆ ՀԱՐԺՈՒՄՆԵՐԸ

առ. 17. 403



ԴԱՍԱԽՈՍՈՒԹԻՒՆ

### ԴՐ. ԱՐԵՏԻՔ ԱՐԱՍԽԱՆԵԱՆԻ

Կարդացած 15 յունի 1883, Թիֆլիսում:



ԹԻՖԼԻՏ  
ՅՈՎՀԱՆՆԵՍ ՄԱՐՏԻՐՈՍԵԱՆՑԻ ՏՊԱՐԱՆ  
ՕՐԵԼԵՍՆ ՓՈՂՈՑ, 5  
1883



## ՅԱՌԱՋԱԲԱՆ

Այս առաջի տետրով սկսվում է այն շարքը, որը պետի պարունակէ իւր մէջ քաղաքատնտեսական առարկաների վերալ Թիֆլիզում, 15 յունվ. մինչ Յ ապրիլի Արձրունու թատրոնում կարդացած մեր եօթը դասախոսութիւնները: Այնպէս, որպէս ես սոցա ալժմ հրատարակում եմ, տարբերվում է կարդացածից միմիայն իւր ընդարձակութեամբ. ինչ յարմար չէր ամբիօնից խօսուելու, կարող էր տեղ բռնել գրքի մէջ. այսպէս օրինակ, թւանշանների երկար շարքեր, ցուցակներ և այլն, որոնք դիւրըմբռնելի են միայն երբ մարդ նոցա աչքի տակ ունէ բռնած, բայց ծանրագուռ, երբ նա միայն հեռուից պիտի լու թւերը, այն ևս, եթէ նա կարողանալ նոցա մտքում տպաւորել:

Ամեն ջանք գործ եմ դրած—այս դասախոսութիւնները կարելին չափ դիւրըմբռնելի անել ընթերցող հասարակութեան համար. ես աշխատած եմ բանեցնել պարզու հասարակ, բայց առարկալի բնաւորութեան ոչ անվայիլ լեզու: Ում, չ'նայած այդ հանգամանքին, ծանր կ'թուի սորան կարդալը, լաւ կ'անէ, եթէ չ'շարունակէ զայն, որովհետեւ ես համոզուած եմ, որ դժուարութիւնը այդ պարագայում մի այլ բանի, քան լեզուի մէջ պիտի որոնել, բայց որի որոշելը մեղ չէ պատկանում:

Մեր ընդհանուր առաջադիմութիւնը կախուած է նորանից, թէ որ աստիճանի գիտութիւնները կարող են ծաղկել մեղ մօտ. ես չեմ ճանաչում մի ազգ, որը մեծ եղած լինի առանց գորան: Բաւական չէ միայն գոյութիւն ունենալ, այլ պէտք է գոյութիւն ունենալ առաջադիմութեան մէջ. միայն այս վերջինն է, որ լիշվում է և արժանի է լիշուելու մարդկութեան ընդհանուր պատ-

28-139

140-99

4400-91



Дозволено цензурою. Тифлисъ, 24 Июня 1883 г.  
Типографія И. Мартirosianца, на Орб. ул., д. № 5.

մութեան մէջ, որովհետև ընդհանուր պատմութիւնը լոկ ցուցակ չէ բոլոր ազգերի, այլ նա մարդկալին մտքի և կեանքի զարգացման պատմութիւն է: Բայց միտքը մղում է դէպի գիտութիւններ, որոնք կեանքի և բնութեան պայմանները ուսումնասիրելով, նորանոր ճանապարհներ են բացում մարդկալին կեանքի ընթացքի համար:

Բայց նախ քան գիտութիւնները կարողանան ծաղկել մեղ մօտ, պէտք է ծանօթացնել մեր հասարակութեան այն աստիճանի հետ, որի վերայ կանգնած են նոքա այժմ. պէտք է ստեղծել ուսումնականների մի ամբողջ լէգիօն, որոնք մտաւորապէս ինքզինքնին եղբայրակցութեան մէջ զգալին ամբողջ աշխարհի գիտութիւններ մշակողների հետ: Միայն այդ պայմանով մենք կարող ենք ունենալ գիտութիւնների մէջ ուղղութիւն, գիտնականների որոշ և լարգելի դպրոցներ, շկոլաներ և դորա հետ միասին՝ ինքնուրոյն կեանք: Այս, դա շատ դժուար գործ է, բայց կրկնում ենք՝ նա անհրաժեշտ է: Այդ նպատակի համար մենք նա աւելի մեծ զոհողութիւններ, ջանքեր պիտի անենք, որ մեր այժմեալ հայ սերունդը հազիւ թէ կարող է այդ կողմից ներշնչուել մեր սեպհական անցեալից:

Եւ արդարե, եթէ մենք ունենք էլ մի հին կլասիկական գրականութիւն, այդ գրականութիւնը ինքնուրոյն մտքերի նկատմամբ, թէ փիլիսոփայութեան և թէ մարդկաին ոգու այլ արտադրութիւնների մէջ եթէ ոչ բնաւ, գոնէ շատ քիչ բան է տալիս մեղ համեմատած շատ այլ ազգերի հին գրականութիւնների հետ: Մտքերի այդ ըրքաւոր դրութիւնը առանց այն չէր կարող անցնել, որ ազգեցութիւն չունենար մեր քաղաքական և հասարակաց հին կեանքի վերայ: Մենք չենք տեսնում Հին-Հայաստանի անուան հետ սերտ և անանջատելի իերպով կապուած մի որևէից քաղաքական կամ հասարա-

կաց վերին զարգացման հասցրած հաստատութիւն, որի մէջ, այսպէս ասած կենդրոնացած լինէր հայկական ոգու ամենազուտ նիւթը, էսսէնցը և որով կարելի լինէր ճանաչել թէ ինչ բան է հայկական ոգին ինքը, թէ ինչ բանների մէջ նա իսկապէս ստեղծող էր: Բայց մենք գիտենք սակայն, թէ ինչ բանների մէջ էր արտայատվում հին լոյների և հռոմայեցինների ազգալին ոգին. մեզ այժմ քաջ յայտնի են առաջինների գեղարուեստական նուրբ ճաշակը և նոցա գէմօկրատիկական ոգին և երկրորդների մէրը դէպի խիստ մտածողութեան եղանակը, որի արտադրութիւնն էր իւր շատ մասերում դեռ մինչ այժմ ամբողջ Եւրոպայում իշխող հռչակաւոր հռոմայական իրաւունքը:

Բայց թէ Հայերը ևս ունեցած լինեն դոյց նման որոշ ուղղութիւն կեանքի, ուրեմն և գրականութեան մէջ, այդ նամանաւանդ կասկածելի է թւում մեղ, որ նա կը իմացուէր և առանց հին գրականութեան վկայութիւնների. որովհետև ոգու որոշ զոյները ժառանգաբար կ'անցնէին մեր նախնիքների ներկայ որդկերանց վերայ: Այդ ժառանգութիւնն է, որ մենք չունենք և, չ'նայած մեր պատմական գոյութեան հնութեան, մենք դեռ կարօտութիւն ունենք մեր բնաւորութիւնը նորից ձևաւորելու քաղաքակրթութեան վեհ գործին ծառայելու համար: Ինչ ասել կ'ուզէ որ, վերջ ի վերջով, քաղաքակրթութեան գաղափարն է, որը միակ բաւականաչափ բարձր է մեր ոգու վրայ իշխելու համար և որի համար միայն կարելի է ամեն զոհողութիւններ լանձն առնել: Հեռու ապագան նախատեսելը մեր զործը չէ, որովհետև մեր կարողութիւնից վեր է. այդ պատճառով մենք չ'գիտենք ինչ դեր է վերապահած հայ ազգին քաղաքակրթութեան գործի մէջ. բայց այդ զգուշութիւնը ապագայի նկատմամբ ուժեղացնում է մեր համարձակութիւնը պնդնլու հետեւալը՝ ե-

թէ երբէք մենք պիտի ընդհանուր քաղաքակրթութեան գործող անդամի պարծանքը ձեռք բերենք, այդ պէտք է և կարող է կատարուել միայն և միմիայն գիտութիւնների շնորհիւ։ Ամեն բան, որ կ'նպաստէ այդ վերջին՝ մի վերին աստիճանի քաղաքակրթական գործ է։

Այդ մտքով մեզ մօտ արդէն սկզբնաւորութիւններ արած են. բայց դեռ միակ գործը, որը, գիտնական ոտքի վրայ գրած լինելով հանդերձ, ժողովրդականութեան պատիւր վայելելու բաղդն ունէ այսօր հայերիս մէջ— այդ մանկավարժութեանն է։ Եթէ որքան և իցէ կրիտիկական ոգի իշխում է մեր ժողովրդական կեանքի մի ճիւղի մէջ— այդ մանուկների չենք ասում գաստիարակութեան, որը դեռ չ'կայ, այլ ուսումնաւանդութեան մէջն է նկատվում։ Նոյն կրիտիկական ոգին ոչ միայն պիտի զարգանայ և յարատեէ մանկավարժութեան մէջ, այլ և պիտի մտնէ մեր բոլոր այլ ժողովրդական գործառնութիւնների մէջ։ Դոցանից մէկն է՝ ժողովուրդի տնտեսութիւնը իւր ամենալնդարձակ մտքով, որի մէջ պարունակվում է նաև հասարակաց կեանքը բոլոր այն հարցերով հանդերձ, որոնք ուղղակի շօշափում են ժողսվուրդի բարօրութեան։ Այդ ընդարձակ դաշտնէ, որի ուսումնասիրութեան նուիրուած է քաղաքատնտեսութիւնը և կամ, որպէս նորան նաև ալլապէս անուանում են, հասարակաց գիտութիւնը, դէպ որը ճաշակ պատրաստելու համար մեր հասարակութեան մէջ ձեռնարկուած են ներկայ դասախոսութիւնները։

Այս հրատարակութաան մէջ մենք մի բան ենք շատ ափսոսում, այդ այն է, որ հայկական կեանքը դեռ բաւականաչափ ուսումնասիրուած չէ, որպէս զի կարողանալինք մեր ասածները հաստատելու համար յենուել նաև հայկական կեանքից վերցրած փաստերի, իրողութիւննե-

ըի վերալ։ Լինէ թէ այս հրատարակութիւնը արժանանալ մի երկրորդ տպագրութեան—մենք ամեն ջանք գործ կ'դնենք այդ թերութիւնը կարելին չափ լրացնել։

Ի վերջոյ պարտք եմ համարում յայտնել իմ խորին շնորհակալութիւնը մեծապատիւ պարոն Գնդապետ Ալէքսանդր Թովմայեան Մելիք-Հայկազեանցին, որի լուսաւոր առատուածեռնութեան եմ պարտական ներկայ և դեռ լետևելու դասախոսութիւնների հրատարակութեամբ։

ՀԵՂԻՆԱԿ:

մինչ դաստիւճագայ միա ցմառաբհան սատիր ավել  
աւանութիւն մշտական վճանելուն և նրանաւ զգու չ  
աւանութիւն մշտական վճանելուն և նրանաւ զգու չ

**Տիկիններ և Պարոններ.**

Ան զա պատուի անթիւնուն մատացայ նախ մատացայ արագ

արագ բարեաց անթիւնուն մատացայ նախ մատացայ արագ

արագ բարեաց անթիւնուն մատացայ նախ մատացայ արագ

**Մեր գասախօսութիւնների շարքը մենք այսօր**

սկսում ենք ազգաբնակութեան ուսումով: Այստեղ իսկոյն

հարց է ծագում, թէ ինչ կապ ունի ազգաբնակութիւնը

տնտեսական երեսոյթների հետ, թէ ինչ գաղտփար է

յայտնում ազգաբնակութիւն ասած բանը և թէ, վերջա-

պէս, ինչ տեսակ հետազօտութիւններ կարելի է անել

ազգաբնակութեան վերաբ:

**Ա.ռ Հասարակ,** ազգաբնակութիւն ասելով մարդ

հասկանում է մի որ և իցէ տեղի մարդկալին շունչերի

թիւը: Ասում են Կովկասի ազգաբնակութիւն և գորա-

նով հասկանում են այն բոլոր մարդիկը, որոնք բնակվում

են Կովկասում: Մարդիկ, այսինքն և տղամարդիկ, և

կանայք, և ամեն հասակի երեխաներ: Նոյն մտքով ա-

սում են՝ Ռուսաստանի, Պարսկաստանի, Տաճկաստանի

ազգաբնակութիւն, Անգլիայի, Ֆրանսիայի, Գերմանիայի

ազգաբնակութիւն և այլն:

**Ես Զեր ուշադրութիւնն եմ գարձնում այն տեղերի**

անունների վերայ, որոնց ես վերը լիշեցի. Կովկաս, Ռու-

ստան, Պարսկաստան, Տաճկաստան, Անգլիա, Ֆրան-

սիա, Գերմանիա և այլն: Դոքա բոլորը այնպիսի երկիր-

ներ են, որոնցից իւրաքանչիւրը կազմում է քաղաքա-

կան կամ վարչական մի սմբողջութիւն: Ռուսաստան ա-

սելով մենք հասկանում ենք այն ամբողջ հողի տարա-

ծութիւնը, մինչեւ ուր տարածուած է ռուսաց օրէնք-

ների իշխանութիւնը: Կովկասը կոչվում է միայն այն

տարածութեամբ հողը, որը օրէնքով ճանաչուած է որ-

պէս Կովկաս. Տաճկաստանը այն տարածութեամբ հողն է, որը գտանվում է Սուլթանի բարձրագուն իրաւասութեան ներքոյ և ալլն:

Բայց Նկատեցէք, Տիկիններ և Պարոններ, որ մի քաղաքական կամ վարչական միութիւն կազմող երկիր կարող է այնպիսի մասերից կազմուած լինել, որոնց բընակիչները իրար հետ գուցէ մօտիկ յարաբերութիւնների մէջ չեն: Վերցնենք օրինակի համար Ուուսաստանը: Չեզ յայտնի է, թէ որքան երկիրներ միասին վերցրած կազմում են այդ տէրութիւնը: Արդ, հարցնում եմ ես, ի՞նչ առանձին շօշափելի յարաբերութիւն ունէ արեւելեան Սիրիրի մի ժողովուրդ Ուուսաստանի լեհական մի նահանգի ժողովուրդի հետ: Նմանապէս Տաճկաստանի հայկական նահանգների բնակիչները, ի՞նչ մի ընդհանուր բան ունին Սրաբիակի բնակիչների հետ բայց նորանից, որ և՛ նոքա և՛ սոքա մի և նոյն տէրութեան են պատկանում: Ակներեւ է, որ այլ ընդհանուր բան նոցա մէջ չը կայ և կամ, եթէ կայ, նա շատ աննշան է:

Այդ մի քանի օրինակներով ես ուզեցի հասկացնել, որ այնպէս, ինչպէս այդ հասկացվում է հասարակօրէն, ազգաբնակութիւնը կարող է ըմբռնել իւր մէջ և այնպիսի ժողովուրդներ, որոնք, իրար հետ ո՛չ բարոյական և ոչ տնտեսական կապ ունենալով, չեն կազմում միասին մի ընդհանուր տնտեսական մարմին: Բայց նախ տեսնենք, թէ ինչպէս մի ազգաբնակութիւն կարող է մի ամբողջ մարմին կազմել և թէ ի՞նչ պէտք է այդ բառով հասկանալ:

Ամենքին յայտնի է, որ մարդս իւր պիտոյքները մատակարարելու համար, անհրաժեշտ կերպով կարօտութիւն է գումար դիմել այլ մարդկերանց արդիւնաբերութեան: Այդ կարօտութիւնը այնքան է մեծ, որքան

մեծ են և բազմակողմանի մարդուս պիտոյքները: Մի հասարակ և յետ ընկած գիւղ, որպէս կարող էք Զեղ երեակայել, չէ կարող ունենալ զարգացած արհեստներ և, չնայած դորան, այդ գիւղի ընակիչները, փակուած իրանց մէջ, կարող են և կարօտութիւն ը զգալ այն բոլորի մէջ, ինչ իրենց գիւղի մէջ չէ արտադրվում: Դորա հակառակ, մի քաղաքացի, ընտելացած կեանքի բոլոր փափկութիւններին, կարօտ բարձր մտաւոր սնունդի, որպէս նաև հոգեկան բազմակողմանի գուարճութիւններին — տնտեսապէս կապուած է առաջնից անհամեմատ աւելի մեծ թուով մարդկերանց հետ:

Այդ իրար հետ տնտեսապէս կապուած լինելն է, որը կազմում է հասարակութեան հիմքը և կամ մի տեղի ընակիչների տնտեսական միութիւնը և կամ տնտեսական մարմինը: Ես ասում եմ մի տեղի, բայց այդ կարող է նշանակել մի ժողովիկ ժողովուրդ պարունակող երկիր, որպէս նաև մի մեծ երկիր, որպէս մի ֆրանսիա, մի Գինաստան և ալլն: Վերը բերած օրինակի համեմատ մենք կարող ենք սսել, որ այն տնտեսական միութիւնը աւելի մեծ է, այն միութիւնը աւելի շատ թուով մարդկի է պարունակում, որքան մի երկիր աւելի քաղաքակրթուած է, յառաջադիմութեան մի աւելի բարձր աստիճանի վրայ է կանգնած: Պատճառը յայտնի է. որքան մի երկիր բնակիչներ աւելի քաղաքակրթուած են, նոյնքան ևս նոցա պիտոյքները տուաւել են, նոյնքան նոքա աւելի մեծ կարօտութիւն ունին միմեանցից և այդ պատճառով, մի փոքրիկ ժողովուրդ չէ կարող այնքան արհեստներ ծաղկեցնել, որ բաւականութիւն տալ բարձր քաղաքակրթութեան վերայ կանգնած մեծապահանջ քաղաքացիներին: Ահա ինչու Տաճկաստանի այլ և այլ տեղերը իրօք չեն կազմում մի

ընդարձակ տնտեսական միութիւն, մի համայնք, մի ամբողջ մարմին, մինչդեռ Եւրոպայի ամենալառջադէմ երկիրները, որպէս Անգլիա, Ֆրանսիա, Գերմանիա, Բելգիա և այլն, քաղաքական միութեան հետ միասին ներկայացնում են նաև նոյնքան մեծ տնտեսական համայնքներ, միութիւններ, անտեսական մարմիններ<sup>1)</sup>:

Ազգաբնակութիւնը, Տիկիններ և Պարոններ, քաղաքա—տնտեսական հետազոտութիւնների առարկայ է. բայց այդ հետազոտութիւնները, ճշմարիտ արդիւնաւետ

<sup>1)</sup> Տաճկաստանի և Ռուսաստանի վերայ մենք տեսնում ենք օրինակներ, թէ ինչպէս մի տէրութեան սահմանները աւելի ընդարձակ են, քան թէ անտեսական միութեան սահմանները. այլ խօսքերով, այդ երկրները բովանդակում են իրանց մէջ ոչ թէ մի, այլ մի քանի տընտեսական միութիւններ, մարմիններ, որոնք իրար հետ սերտ յարակցութիւն չունին, մինչդեռ հերոպական այլ աէրութիւնների մեջ որպէս Անգլիան է, Ֆրանսիան է և այլն, մենք տեսնում ենք օրինակներ, թէ ինչպէս մի աէրութեան քաղաքական սահմանները միեւնույն ժամանակի մի տնտեսութեան, մի տնտեսական մարմին սահմաններ են կազմում: Այդ հանգամանկը առանց նշանակութեան չէ յեշեալ երկիրների նոյն խել քաղաքական գոյութեան և ոյժի համար: Մէ տէրութիւն աւելի ուժեղ է, որքան նա աւելի մեծ և բատիս նշանակութեան աւելի մօտ անտեսական համայնք, կազմակերպուած միութիւն է կազմում: Կան, ըստ հակառակը, նաև անտեսական մարմիններ, որոնք աւելի մեծ են, քան նոյց քաղաքական սահմանները. փոքրեկ, բայց տնտեսապէս շատ զարգացած տէրութիւնները, որպէս Բելգիա և այլք, այդ գիտուածութեան ին նոյն խել այսօրուայ եւրոպական մեծ տէրութիւնների համար կարելի է նոյնը ասել: Անգլիան, Ֆրանսիան, Բելգիան, Գերմանիան իրար հետ այնքան առեւարական յարաբերութիւններ ունին, նոքա այնքան կախուած են մէկը միւսից, որ հազիւկարելի լինի ասել, որ նոցանից իւրաքանչիւրը իրա համար մի ըսլուզին առանձին անտեսական համայնք կազմում լինի: Դա այն հանգամանքն է՝ որ Ճնեցրել է Weltwirthschaft նոր բառը, որ նշանակում է համաշխարհային անտեսութիւն:

Ինելու համար, պիտի կատարուին այնպիսի ազգաբնակութիւնների վերայ, որոնք տնտեսական մտքով մի ամբողջութիւն, մի տնտեսական մտրմին են կազմում:

Դառնալով գէպի ազգաբնական երևոլիթները, որոնք քաղաքատնտեսի համար ամենակարեսոր և ամենատարբական գիտելիքների առարկան են կազմում, ես Ձեր ուշադրութիւնն եմ դարձնում նախ և առաջ այս հանգամանքի վերայ, որ բնակչութիւնների լիւը, ծանակին ընթացում, գոփուլում է, և իմ խօսքը այստեղ այն փոփոխման վերայ է, որը առաջանում է ծնունդների կամ մահերի առաւելութիւնից և ոչ թէ այն փոփոխման վերայ, որը կարող էր յառաջանալ գաղթական շարժումներից:

Ազգաբնակութեան մեծութեան փոփոխուիլը, Տիկիններ և Պարոններ, նոյն իսկ գուցէ իւր տարրականութեան պատճառով, շատերից աննշմար է անցնում. գուցէ շատերին յայտնի է այդ երևոլիթը, բայց բաւական չէ մի բան միայն գիտենալ, հարկաւոր է մի և նոյն ժամանակ այդ բանի նշանակութիւնը ըմբռնել: Արդ, բնակիչների թւի փոփոխուելը քաղաքատնտեսի համար կարեսոր նշանակութիւն ունէ: Ինչո՞ւ: Ահա ինչ պատճառներով: Կան հասարակաց կեանքի մէջ բազմաթիւ հարցեր, որոնց նպատակալարմար վճռելու համար հարկաւոր է և անհրաժեշտ՝ գիտենալ բնակիչների թիւը: Օրինակի համար բոլոր երկիրներում յաճախ անգամ ներկայացել է հողատիրութեան հարցը: Դիցուք հարկաւոր է վճռել, թէ ինչ քաղաքականութեան պիտի հետեւէտ տէրութիւնը, որպէս զի գիւղացին կարողանայ ամենանուազը այսքան կամ այնքան մեծութեան կտոր հողի տէր գառնալ կամ մնալ: Այդ հարցը վճռելու համար ոչ թէ միայն հարկաւոր է իմանալ թէ երկրի մեծութիւնը և թէ գիւղական բնակիչների թիւը այն

ըոպէում, երբ հարցը պիտի վճռուէ, այլ և օրէնսդրի աչքին պիտի ներկայ լինի և այն, որ ալսօրուայ քնակիչների թիւը կարող է փոխուել ժամանակի ընթացքում. իսկ այդ այն կարեզրութիւնը ունէ, որ օրէնսդիրը, լիշեալ հողատիրութեան օրէնքի տեսողութիւնը տպահովելու համար, մի և նոյն ժամանակ ստիպուած պիտի լինի մտածել և այն միջոցների մասին, որոնք կարող են չէզոքացնել բնակիչների թւի փոփոխուելուց առաջանալու հետևանքները: Աս մի օրինակ էր, բայց գորա նմանները կարելի կ'լինէր տասնեակնեռով բերել:

Մենք դեռ կ'վերադառնանք բնակիչների թւի փոփոխուելու պատճառներին և կ'պատասխանենք այն հարցին, թէ մինչ ուր կարող է այդ թիւը աճել: Միայն թէ նախ, քան այդ հարցերը պարզաբանելու, մեզ հարկաւոր է դեռ այս բանը իմանալ, թէ արդեօք մի երկրում, ուր ազգաբնակութիւնը մի տնտեսական միջութիւն կամ տնտեսական համայնք է կազմում և մի որոշեալ ժամանակում ամենաշատը ո՞րքան բնակիչներ կարող են լինել: Այս հարցը ես կը ցանկալի աւելի պարզ ձեռվ ներկայացնել, թէպէտ և գիտնականապէս մտածելու սովոր մարդկերանց համար սղմուած ոճը մթութեան մի պատճառ չէ: Այս հարցով ահա ինչ եմ ուզում ասել: Ենթադրենք, որ մեր վերը լիշած տնտեսակոն համայնքը Երևանեան նահանգն է, իսկ որոշուած ժամանակը՝ 1883 թիւն է. արդ, հարցնվում է, թէ Երևանեան նահանգը 1883 թուին ամենաշատը ո՞րքան բնակիչներ կարող է ունենալ:

Եթէ ես այս հարցը դրեցի, այդ ոչ թէ իսկապէս նորան լուծելու համար էր, այլ միայն նորա համար, որ ցոյց տամ նորա լուծելու կարելիութիւնը: Արդ, որքան

իսկ է, որ բնակուելու համար հարկաւոր է ապրել, նոյնքան իսկ է, որ ապրելու համար հարկաւոր են յալտնի չափով ապրուստի միջոցներ: Բայց այդ միջոցները կարող են զանազան մեծութեան լինել, նայած թէ ինչ տեսակ ապրուստ է վերցնվում որպէս հիմք: Ապրուստ կայ, որ մարդուս ֆիզիկապէս ապրելու կարելիութիւն է տալիս, դա՝ յետին աղքատի և մուրացկանի ապրուստի չափուն է. ապրուստ էլ կայ, որ բացի ապրելուց նաև կարելիութիւն է ստեղծում աշխատել տնտեսապէս, դա՝ այժմեան բանւոր դասի ապրուստի չափսն է. ապրուստ էլ կայ, որ բացի նորանից, որ թոյլ է տալիս կեանքը պահպանել և ֆիզիկապէս աշխատել, նաև մտաւոր պարապմունք է թոյլ տալիս և այլն:

Վերցնենք նաև, որպէս հիմք, առաջնագուն լիշած ապրուստի մեծութիւնը և իմանանք, թէ Երևանեան նահանգը, այն ոյժերով, որ նա ունէր 1883 թուին, որքան այդ տեսակ մարդիկ կարող է իւր մէջ բնակեցնել:

Մեզ յալտնի է և այդ՝ Փիզիօլոգներն են դտած, թէ մարդուս ֆիզիկական կեանքը պահպանելու համար հարկաւոր են մի որոշ չափով սննդական նիւթեր, որպէս են ազօտ, ածխածին և ալլն: Եւ մեզ յալտնի է նոյնպէս, որ այդ նիւթերը մեր մարմնի մէջ մուծանելու համար, մեզ բաւական է օրէնը մի յալտնի չափով հաց և այլ բուսեղէններ ընդունել: Ենթադրենք, թէ այդ յալտնի չափսն է տարեկան հաշուով հինգ փութ ցորեն, իսկ այն բոլոր սննդական նիւթերը, ինչ Երևանեան նահանգը 1883 թուին կարող է արդիւնաբերել թէ ցորենով ու այլ բուսեղէններով և թէ իւր խաշիններով, հաւասար լինի տասը միլիոն փութ ցորենի սննդարարութեան: Այդ թուերը մի կողմից հինգ փութ և միւս կողմից

տասը միլիոն փութ, իսկական թուեր չեն, այլ միայն ենթագրական, բայց խորը և մանրախոյզ հետագօտութիւնները կարող են միջնորդել իսկականին գոնէ մօտաւորապէս համապատասխանող թուերը: Բայց վերը ենթագրած թուերին համեմատ մենք պէտք է մտածենք, որ մեր որոշած տարրուալ մէջ, Նըւեանեան նահանգը կարող է բնակեցնել իւր մէջ ոչ աւելի, քան տասը միլիոն բաժանուած հնդի վերալ, այսինքն՝ 2,000,000 մարդ:

### Տիկիններ և Պարոններ

Ոչ մէկ հասարակութեան իդէալը չէ կարող լինել, այնքան անդամներ ունենալ և ոչ մի երկրինը՝ այնքան բնակչներ, որ սոքա իրենց չափազանց բազմութեամբ, ստիպուած լինէին բաւականանալ միայն նորանով, ինչ կարող է մարդուս ոչ աւելի քան կենդանութեան մէջ պահել: Բաւական չէ միայն ապրել, հարկաւոր է միենոյն ժամանակ առաջադիմութեան մէջ ապրել, այսինքն յարմարեցնել կեանքը ու կենցաղավարութիւնը այն գաղափարին, որի իրագործումով մարդս կարծում է աւելի ճիշտ կերպով կարողանալ կատարել իւր կոչումը այս աշխարհում: Այդ գաղափարին կոչում են իդէալ, իսկ այն բոլոր միջոցները, որոնք հնարինում են և կամ գործ են ածվում իդէալին աւելի հաւատարիմ կերպով ծառայելու համար – կոչում է կուլտուր, որը միենոյնն է թէ քաղաքակրթութիւն: Կուլտուրը, քաղաքակրթութիւնը ստեղծում է մարդուս մէջ կուլտուրական կամ քաղաքակրթական կարիքներ կամ պահանջներ. իսկ քաղաքակրթական պահանջները, իրանց հարկադրութեամբ, գրեթէ նոյն ոյժը ունին, ինչ ունին բնական կոչուած պահանջները, որոնցից ամենագլխաւորը սնունդն է միայն կեանքը յարատևելու չափով: Ուրեմն պահանջների մէջ

պէտք է զանազաննել բնակչութեան պահանջներ և այսպէս կոչուած էրաշորակիմ պահանջներ, որոնցից առաջինները ծառայում են մարդուս մարմնաւոր կենդանութեան. իսկ երկրորդները – հասարակութեան մտաւոր և բարոյական յառաջադիմութեան: Բացի այդ երկու կատեգորիաների բաժանելուց, նոյնպէս կարելի և հարկաւոր է որոշել քաղաքակրթական պահանջների երկու տեսակները, որ մենք շուտով կը բացատրենք:

Ինչումն է գործը: Նորանում, Տիկիններ և Պարոններ, որ մեզնից քաղաքակրթական կոչուած պահանջների մի մասը այնպիսիներ են, որ մի տնտեսական համայնքի, մի հասարակութեան բոլոր անդամներին են վերաբերում. իսկ մի այլ մասը այնպիսի պահանջներ են, որոնք այդ համայնքը կազմող հասարակութեան միայն այս կամ այն կարգի անձերին են վերաբերում և ոչ ընդհանրութեան: Դտնել, թէ որոնք են այդ ընդհանուր քաղաքակրթական պահանջները, շատ դժուար չը պիտի լինի. բաւական է համեմատել կենցաղավարութիւնը և կամ պահանջները մի մարդու, որը պատկանում է քաղաքակրթութեան մի քանի մեծ շրջաններ անցած ազգի, մի այլմարդու հետ, որը պատկանում է քաղաքակրթութեան ամենաստոր աստիճանի վերալ կանգնած մի ցեղին: Այդ համեմատութեամբ դուք կը տեսնէք, որ քաղաքակրթուած ազգինոյն իսկ ամենախեղճ դասին պատկանող մի անհատ, մի մշակ, մի բանւոր աւելի մեծ պահանջներ ունէ, քան մի ոչ քաղաքակրթուած ցեղին պատկանող մի անհատը, որը թերեւս առաջնից մի աւելի բարձր հասարակաց դիրք ունէ: Այդ աւելի մեծ պահանջը արտայալովում է կեանքի գրեթէ բոլոր կէտերի մէջ. քաղաքակրթուած ազգի պատկանող նոյն իսկ ամենահամեստ կեանքին սովոր մի անհատը ունէ մի ա-

ւելի բարձր գաղափար և՝ սնունդի և՝ բնակարանի և՝ հագուստի և՝ կրթութեան և՝ կեանքի ապահովութեան վերայ. այնպէս որ այդ կը լինէր մահուան պատժի դատապարտուել, եթէ այս կամ այն պատճառով նա ստիպուած լինէր ենթարկուել սոսկ բնութեան ոյժով իշխուած մարդկալին ցեղի կեանքին:

Այն, ինչ մի ազգի, մի հասարակութեան ամենաստոր դասակարգի անձերից կեանքի համար անհրաժեշտ են ճանաչուած, կազմում են դոյն իսկ ազգի կամ հասարակութեան քաղաքակրթական ընդհանուր պահանջների չափար:

Քաղաքակրթութիւնից առաջացած պահանջները, այժմ հարկ է նկատել, անհամեմատ աւելի շատ են, քան թէ բնական, այսինքն միայն կենդանութեան համար անհրաժեշտ պիտույքները: Դորա մէջ համոզուելու համար բաւական է համեմատել մի ամենահամեստ պահանջների տէր եւրոպացու տարեկան ծախքը մի վայրենի և զրեթէ միայն կեանքը պահպանելու կարօտ հնդիկ ամերիկացու հետ: Այն, ինչ առաջնի համար անհրաժեշտ է համարվում, երկրորդի համար կարող է փարթամութիւն թուալ, բայց առաջնի համար տասնը և երկրորդի համար հինգը ապրելու համար հաւասար կերպով անհրաժեշտ են համարվում, որովհետեւ այն կեանքը որին սովոր է ստոր կրթուածը, բաւականութիւն չէ կարող տալ աւելի բարձր կրթուածին:

Որովհետեւ քաղաքակրթական կամ կուլտուրական պահանջները իրենց չափսով անհամեմատ աւելի մեծ են և բազմաթիւ, քան բնական կոչուած պահանջները. իսկ միւս կողմից, որովհետեւ անհրաժեշտ պահանջների չափսը չփափսում է նաևած մի ազգի քաղաքակրթութեան

աստիճանին, այդ պատճառով ամեն անգամ, երբ խօսք կը լինի անհրաժեշտ պահանջների կամ պիտույքների մասին, այդ բառով չը պէտք է հասկանալ միայն այն, ինչ մարդու Փիզիկական կենդանութիւնը պահպանելու համար է անհրաժեշտ, այլ գորա հետ միասին պիտի հասկանալ ամեն տեսակ պահանջներ Ֆիոյն Աէ այն չափսով, որից սակաւ մի ազգի հասարակաց կեանքի բնաւորութիւնը չէ թոյլ տալիս ունենալ: Այս բանը չը պէտք է մոռանալ և դորան մենք դնու կը լիշենք, երբ մեր եօթերորդ դասախոսութեան մէջ բանւորական օրավարձի վերայ կը խօսենք:

Բայց ես մի տասը ըոսէ առաջ առացի, որ բացի ընդհանուր քաղաքակրթական պահանջներից կան նաև ոչ ընդհանուր պահանջներ: Եւ որո՞նք են դոքա: Դոքա Տիկիններ և Պարոններ, այն պահանջներն են, որո՞նց ես կանուանեմ դասակարգութիւններ: Մենք այս ըոսէին կը պարզենք այդ խօսքի նշանակութիւնը:

Եթէ մի քանի հարիւր հազար և նոյն իսկ մի քանի տասնեակ միլիոն մարդիկ կազմում են միասին մի քաղաքական և տնտեսական մարմին, այդ մարմնի բոլոր անդամները անպատճառ միւնոյն պարապմունքի տէր չեն: Երբ մի ազգի, մի համայնքի տնտեսական կեանքը զարգանում է, այդ զարգացումը կարելի է լինում միայն նորանով, որ այդ ազգի պարապմունքները կամ արտադրութիւնները դառնում են բազմակողմանի, այնպէս որ ազգի բոլոր անդամները չեն զբաղվում միայն մի տեսակ գործով, այլ ընդհակառակը իւրաքանչիւր արհեստ և կամ արհեստի մի մասը պահանջում է միայն իւրանով զբաղուող և բացառապէս այդ գործի համար կը թուած ու պատրաստուած մարդիկ: Դորա համար կը թուած մի արկրի բնակիչները,

տնտեսական ճիւղերի համեմատ, բաժանվում են նոյնքան շատ դասակարգերի: Այդ այդպէս է, որ բոլոր հողագործներին անուանում են գիւղական կամ հողագործական դաս, բոլոր այն անձերին, որոնք արհեստներով են պարագնում՝ արհեստաւորների դաս, այդ այդպէս է, որ գոյացել են հողատէրերի դասը, վաճառական դասը, բանւորների դասը, դործարանատէրերի դասը, գրողների դասը և այլն և այլն:

Սրդ, նկատեցէք այժմ, որ այդ դասերից իւրաքանչիւրը իւր սկզբնաւորութեան և զարգացման պատմութիւնը ունէ. և նոյն իսկ այդ պատճառով, այնպէս ինչպէս նոքա այժմ կոն այլ և այլ երկիրներում մի անգամից չեն ստեղծուած, այլ կամաց — կամաց շրջադարձ են: Նոքա միմեանցից զանազանվում են այն դիրքով, որը նոցանից իւրաքանչիւրը բռնում է տէրութեան, այսինքն տնտեսական համայնքի քաղաքական միութեան մէջ. նոքա զանազանվում են միմեանցից իրանց, ինչպէս ասում են, հասարակաց դիրքով տէրութեան մէջ: Նոյն իսկ պատճառով, որ նոքա զարգանում են աստիճանաբար, միևնուն դասի հասարակաց դիրքը մի ազգի կեանքի այլ և այլ շրջաններում նոյնը չէ մնում. մէկը բարձրանում, ուժեղանում է, մի այլ դաս, կատարած լինելով իւր պատմական գերը, կորցնում է իւր ոյժը և գուցէ միանգամայն անլայտանում:

Այդ այդպէս լինելով, հասկանալի է որ նայած պարապմունքի տեսակին և հասարակաց դիրքին և կամ քաղաքական ոլդին, մի անհատ միւսից պէտք է զանազանուի նաև իւր կենցաղավարական եղանակով, ուրեմն և այն պահանջներով, որոնք սերտ կապուած են այս կամ այն կենցաղավարական եղանակի հետ: Ինչ խօսք կայ, որ մի բժիշկի համար կարևոր է և անհրաժեշտ հա-

մալսարանական ուսումը. ուրեմն բարձրագոյն կոչուած ուսումը մի անհրաժեշտ պահանջ է նորա համար, մինչդեռ մի ատաղձագործի կամ կոշկակարի համար բարձրագոյն ուսումը, իրերի այժմեայն գրութեան մէջ, ոչ անհրաժեշտ է և ոչ կարևոր: — Վերցրէք վաճառականութիւնը և ուսումնափերի հետ, որ անուամ է երկրագործութիւնը մի գիւղացուց: Նոցա գիտելիքները միմեանցից տարբեր են, որպէս նաև նոցա կենցաղավարութիւնը. Եթէ մէկի գործը պահանջում է նստակեցութիւն, անշարժութիւն, միւսինը ընդհակառակը, շարժուն կեանք, ճանապարհորդութիւն, գրագրութիւն, ժանօթութիւններ անձերի և իրերի հետ և այլն: Օրինակները կարելի էր մինչ անվերջ շարունակել, բայց այս մի քանիսներով պարզած եմ համարում այն միտքը, որ արհեստների զանազան բնաւորութիւն ունենալը ստեղծում է նոցա մէջ, որոնք այդ արհեստներով պարապում են, նաև իրարից շատ թէ քիչ տարբեր պահանջներ և որ եթէ մէկի համար մի բան անհրաժեշտ է, միւսի համար նոյն բանը, նոյն պահանջը անհրաժեշտ չէ:

Եթէ արհեստների առանձնայատկութիւնները ծընեցնում են մարդկերանց մէջ նոցա յատուկ պահանջներ, դասակարգերի անմիատեսակ զարգացած լինելը մի յախնի ժամանակում, նոցա ոչ միատեսակ հասարակաց դիրք ունենալը տէրութեան մէջ առիթ է տալիս, որ բոլոր դասակարգերը մի տեսակ չեն մասնակցում քաղաքակրթսւթեան այլ և այլ բարիքների վայելման մէջ: Մի երկու օրինակ բաւական կը լինին այս միտքը պարզելու: Իրաւ է որ երաժշտութիւնը մի մասնագիտութիւն է, որպէս շատ ուրիշները. բայց և այս անհերքելի է, որ երաժ-

տութիւնը միւնոյն ժամանակ մի ազնիւ միջոց է նուրբ կրթութեան: Քանի որ երաժշտական արհեստը դեռ տարածուած չէր Եւրոպայում, ովքերէին նորանովպարապողները: Գրեթէ միայն դէպի երաժշտութիւնը անձնականձգտում ունեցող մարդիկ: Բայց այն օրուանից, երբ երաժշտութեան մէջ սկսուեց տեսնուել մի գաղափար, մի ինչ որ մեծ ոյժ, որից ներշնչուել ցանկացողները ոչ թէ միայն երաժշտական առանձին տաղանդ ունեցողները, այլ առ հասարակ կրթուած և զարգացած անձերն էին, երաժշտութիւնը սկսեց դառնալ ընդհանուր կրթութեան միջոց: Այդ է պատճառը անշուշտ, որ այն դասակարգերի մէջ, որոնք իրենց հասարակաց գիրքով աւելի պատրաստ պիտի լինէին կրթութեան արժեքը հասկանալու, երաժշտութիւնը տարածուեց մինչև այն աստիճանի, որ նա դառաւ դասային ընդհանուր կարիք, նախ ամենաբարձր դասակարգի ընտանիքների մէջ, իսկ լետոյ նաև միջին դասի մէջ:

Դասային պահանջը կարող է դառնալ ընդհանուր անհրաժեշտ քաղաքակրթական պահանջ ամբողջ ազգի, ամբողջ համայնքի համար: Դորան կարող է ամենից լաւ օրինակը լինել պարտաւորիչ տարրական ուսումը, որը այժմ մտցրուած է Գերմանիայում, Զուիցերիայում, Ֆրանսիայում: Պէտք է իմանալ, երբ է շինվում մի քան պարտաւորացուցիչ և այն՝ անխտիք ամենքի համար, և՝ հարուստի և՝ աղքատի, և՝ բարձր և՝ ստոր դասակարգերի համար. այդ անփում է միայն այն ժամանակ, երբ ընդհանրութիւնը համոզուած է, որ առանց այն քանի, որը ուզում են պարտաւորացուցիչ շինել, համայնքի, այդ հասարակութեան, այդ տէրութեան յառաջտիմութիւնը անկարելի է և կամ աւելի գժուար, աւելի մեծ զոհաբերութիւն պահանջող, քան այն զոհաբերութիւնը, որը ընդհանրութիւնը պէտք է անէ ենթադրուած գործը

պարտաւորիչ շինելու համար: Իսկ յառաջադիմութեան համար ամեն մի առողջ հասարակութիւն կամ տէրութիւն պատրաստ է զոհողութիւն անել, երբ ընդհանուր կարծիք է կազմվում, որ առանց գորան՝ տէրութեան, ազգային անկախութեան նուն իսկ գորութիւնը վտանգի մէջ դրած և կասկածաւոր դարձրած կը լինէ: Ամփոփենք այժմ պահանջների կամ կարիքների մասին մեր բոլոր ասածները: Մարդուս բոլոր կարիքները կարելի է բաժանել երկու կարգի. Փեզիօգիտական կարիքներ-դոքան կենդանութիւնը շարունակելու ցան կութիւնից բղխած կարիքներն են. և քաղաքակրթական, որոնց արծարծողը ոչ թէ բնութիւնն է, այլ այն աստիճանը, որի վերայ կանգնած է մարդս իւր զարգացման և յառաջադիմութեան ընթացքում: Եւ որքան մի ընդհանրութիւն, մի ազգութիւն առաջացած է, նոյնքան նորա անդամները կազմող անհատների քաղաքակրթական կարիքները աւելի բազմաթիւ են, քան բնական կամ Փիզիօգիտական կարիքները: Բայց քաղաքակրթական կարիքները հասարակութեան բոլոր անդամների համար միևնույն չափսի չեն: Նոցանից մի քանիսները կազմում են այդ համայնքի կարիքների ունիւթեան՝ այսինքն ամենապակաս չափսը (այդ չափսն է մանաւանդ, որով կարելի է չափել մի ազգի զարգացման աստիճանը): Կան նաև քաղաքակրթական կարիքներ, որոնք յատուկ են այս կամ այն դասակարգի անձերին — դոքա դասային կարիքներ են: Որքան մի դասակարգ աւելի զարգացած է և քաղաքականապէս աւելի ուժեղ, նոյնքան ևս նորա դասային կարիքները աւելի ընդարձակ են: — Դասային կարիքները, վերջապէս, կարող են ժամանակի ընթացքում ընդհանրանալ մինչ այն աստիճանի, որ նոքա կարող են մտնել կարիքների ունիւթեան՝ շրջանակի մէջ: —

Այս հայեացքից յետոյ, կարիքների չափսի մասին, վերադառնանք կըկին այն հարցին, որը մենք առաջ դրել էինք, թէ արդեօք մի յատանի ժամանակում մի որոշ երկիր ամենաշատը որքան բնակիչներ կարող է ունենալ: Դուք լիշում էք, Տիկիններ, որ այն հարցին ես այսպէս պատասխանեցի, թէ այդ կախուած է մի կողմից նորանից, թէ մարդու կենդանութիւնը պահպանելու համար որքան չափով նիւթեր են հարկաւոր. իսկ միւս կողմից, թէ այդ երկիրը իւր բոլոր ունեցած ոլժերով որքան քանակութեամբ այդպիսի նիւթեր կարող է տալ: Օրինակ վերցնելով Երևանեան նահանգը, մեր ենթադրած թուերի համաձայն դուրս բերինք, որ նա կարող է երկու միլիոն բնակիչ ունենալ. իսկ այժմ, եթէ հարցը այսպէս դնենք, թէ արդեօք, Երևանեան նահանգի այժմեան արդիւնաբերական հանգամանքներ, որքան բնակիչներ, ոչ թէ կարող է, այլ յանդալը է որ նա ունենայ, պատասխանը պէտք է փոխուի: Զէ թէ քաղաքակրթութիւնը հասարակութիւնների նպատակն է և չէ թէ հասարակութիւնը պիտի աշխատէ պահպանել նախ այն, ինչ նորա պատմական զարգացումը տուել է նորան և չէ թէ, ուրեմն, մի երկիր իւր բոլոր ունեցած ոլժերը չ'պիտի սպառէ միայն կեանքը պահպանելու համար: Ակներև է, որ մի այդպիսի երկրին ցանկալի է ունենալ աւելիսահմանափակ թուով, բայց դորա փոխարէն աւելի պահանջող, աւելի բարձր աստիճանի վերայ կանգնած բնակիչներ և ևս աւելի սակաւ, եթէ այդ երկիրը չը պիտի բաւականանայ միայն ձեռք բերածով, այլ ցանկանայ քաղաքակրթութեան շաւզի վերայ մի քալ ևս անել:

Դուցէ Զեր մէջ արդէն հարց ծագած լինի, թէ արդեօք չէ կարելի մի որ և իցէ, բայց շօշափելի կեր-

պով չափել կարիքների մեծութիւնը: Ես կը պատասխանեմ, որ այդ կարելի է և այդ այն պատճառով, որ կարիքին համապատասխանում է այն միսխը որը մարդու պէտք է անէ կարիքը լցուցանելու համար. իսկ միսխը մեծութիւն ունէ, որը կարելի է չափել փողով: Եւ արդարև, մսխելու համար հարկաւոր է վաստակել, ուրեմն իմանալով մի երկիր բոլոր անհատների անձնական վաստակը և բաժանելով այդ գումարը բնակիչների թւի վերայ, մենք կ'իմանանք մօտաւորապէս ժողովուրդի մսխելու կարողութեան չափսը: Իսկ մսխելու չափսը մեզ մի գաղափար կը տայ այդ ժողովուրդի միջին կարիքի մեծութեան վերայ: Բայց այդ հաշիւը անհնարին չէ անել գոնէ քաղաքակրթուած երկիրների նկատմամբ, որոնց բնակիչների թիւը մեզ յայտնի է, իսկ միւս կէտերի վերայ բաւականաչափ հետագօտութիւններ կան արած: Որպէս զի մենք կարողանալինք մեր ցանկացած խնդիրների համար հետևանքներ դուրս բերել, ես կը վերցնեմ որպէս օրինակ, ֆրանսիան: Այդ երկիրը՝ որպէս 1881 թուականի վիճակագրութիւնը ցոյց տուեց, լիշեալ թւին ունէր 37 միլիոն բնակիչ: Մենք գիտենք միևնույն ժամանակ, որ ֆրանսիական ազգագիւնակութեան մօտաւորապէս կէսը երկրագործ, գիւղացի բնակիչներ են. իսկ մնացած ազգագիւնակութեան մեծ մասը գործարանական և արհեստանոցների բանւորներ են և կամ դոցա ընտանիքներին պատկանողներ: Արդ, ես կարծում եմ, որ մի ֆրանսիական բանւոր, միջին թւով, ստանում է օրական վարձ ոչ շատ պակաս, քան 2 ֆրանկ 80 սանտիմ, եթէ մէկը միւսի վերայ հաշուելու լինինք և նոցա, որոնք ստանում են 3, 4, 5, 6—10 և աւելի ֆրանկ և նոցա, որոնք երեք ֆրանկից աւելի քիչ են ստանում: Մենք շուտով կ'բացարենք, թէ ինչու բան-



ւորի վարձը մենք մի փոքր աւելի բարձր ենք հաշվում։ Ընդունելով, որ այն 2 ֆրանկ 80 սանտիմ ստացողը չորս անձի համար է աշխատում (ինքը, կինը և երկու երեխաներ), կ'տեսնենք, որ շունչին ընկնում է 70 սանտիմ օրեկան վաստակ։ Նոյն չափ կարող է վաստակել և երկրագործ ազգաբնակութիւնը։ Բայց բացի գիւղացիներից և բանտորներից կան նաև գործարանատէրեր, զինուորականներ, գրողներ, տօկոսով ապրողներ, տերունական ծառայողներ և այլն, որոնց վաստակը վերը լիշածից շատ բարձր են. միայն թէ ՚ի հարկէ, այդպիսիների թիւը համեմատապէս սահմանափակ լինելով, ընդհանրութեան համար ներկայացրած օրական վաստակի մեծութիւնը շատ չեն կարող փոփոխել և ահա ինչու, բանտորի օրավարձը հաշուելիս, իրականից մի քիչ աւել հաշուեցի։ Օրեկան 70 սանտիմ մարդագուշ, 37 միլիոն բնակիչների համար, այդ կ'անէր 2 միլիոն 900,000 ֆրանկ օրեկան և կամ, 360-ի վրայ բազմապատկած, մօտ 9 միլիարդ տարեկան։ Այդպիսով բոլոր ֆրանսիացիների տարեկան վաստակը, միխը միասին առած, հաշուեցինք մօտ 9 միլիարդի։ Բայց կայ արդեօք մի որ և իցէ միջոց մեր այս հաշիւը ստուգելու։ Այո՛, կայ և այդ միջոցը այն է, որ մենք մօտաւորապէս գիտենք, թէ արդեօք ֆրանսիայի բոլոր շարժական և անշարժ կայքի արժողութիւնը որքան է՝ որովհետև որտեղից ֆրանսիացիք պէտք է տարեկան 9 միլիարդ աշխատէին. ՚ի հարկէ իրանց շարժական և անշարժ կայքերից։ Արդ ֆրանսիացի այժմեան ամենահեղինակաւոր տնտեսագէտները կարծում են, որ վրիպած չեն լինի, եթէ ընդունեն ֆրանսիայի բոլոր շարժական և անշարժ կայքերի արժողութիւնը 150—200 միլիարդ ֆրանկ։ Այդ գումարի տարեկան արդիւնքը եթէ 5% հաշուելու լինինք, կ'ստա-

նանք 7<sup>1</sup>/<sub>2</sub>—10 միլիարդ տարեկան, այսինքն միջին թւով մօտ նոյն գումարը, ինչ մենք այլ հիմունքների վերայ ընդունել էինք, որպէս բոլոր ֆրանսիացիների տարեկան եկամուտը։

Ընդունելով, որ մեր թւերը մօտաւորապէս ճիշտ են, հետեւում է, որ ֆրանսիան, իւր այժմեան քաղաքակըրթութիւնը պահպանելու համար, տարեկան պակասը պիտի 9 միլիարդ արդիւնք ստանայ, որպէս զի կարողանալու իւր 37 միլիոն բնակիչները այժմեան գրութեան մէջ պահել։ Բայց ևս առաւել առաջ գնալու համար—և դա մի լոկ ցանկութիւն չէ, այլ անհրաժեշտութիւն գոյութեան հսմար—այդ երկիրը ստիպուած է տարեկան արդիւնքը միշտ աւելացնել։

Մինչ այժմ, Տիկիններ, մենք տեսանք այս կապը, որ կայ անհատական միջին կարիքների չափսի, երկրի արդիւնաբերութեան, մեծութեան և ազգաբնակիչների թւի մէջ։ Սակայն մի երկրի կարիքների չափսը ոչ թէ միայն ազգում է բնակիչների թւի վերայ, այլ նա ազգում է ազգաբնակութեան աճման աստիճանի վրայ։ Թէ ինչու, այդ դժուար չէ մի երկու խօսքով բացատրել։ Եւ արդարեւ, ինչի՞ցն է առաջ գալիս մի երկրի բնակիչների թւի աճումը։ Նորանից և միայն նորանից, որ այդ երկրում մահացութիւնը աւելի նուազ է, քան ծննդաբերութիւնը։ Ուրեմն, եթէ անհատական կարիքների չափսը աճման մէջ գեր է խաղում, այդ կարող է պատահել, եթէ նա ազգում լինի կամ մահացութեան և կամ ծնունդների թւի վերայ։ Մենք այս ըովէին կ'տեսնենք, որ նա ազգում է ծընունդների յաճախման վերայ, միայն թէ այդ ազգեցութիւնը նաև անուամ է ոչ ուղղակի, այլ անուղղակի կերպով, այն է՝ պատահերի թւի վերայ ազգելով։

Բացատրութեան կարօտ չը պիտի լինէր, որ միեւնայն ժաշկութէ մէջ ծնունդների թիւը կախում ունէ պսակների յաճախումից: Եթէ հարիւր պսակներից տասը տարուայ ընթացքում ծնուելիս լինին 500 երեխաներ, նոյն ժամանակամիջոցում երկու հարիւր պսակներից կ'ձնուեն աւելի քան 500 և գուցէ ուղիղ երկու անգամ աւելի, ուրեմն 1000 երեխաներ: Կարճ բացատրեմ, թէ ինչու ես սուանձին կերպով շեշտեցի միւնքն ժողովութէ մէջ բառերը: Այդ այն պատճառով եղաւ, որ ազգ ազգի և ցեղ ցեղի մէջ երբեմն մեծ զանազանութիւն կայ մարդու և կանանց բերրութեան մէջ. այսինքն պատահում է, որ մի երկում, պսակներ նոյնքան և գուցէ աւելի յաճախ են կատարվում, քան մի ուրիշ երկում, բայց ծնունդներ լինում են այնտեղ աւելի սակաւ, քան թէ միւսում. յարել արժմ դորամասին աւելորդ է, քանի որ այս դասախոսութեան վերջերքում մենք թւանշաններ պիտի բերենք այդ բոլոր խնդիրների վերաբերեալ: Բայց երբ խօսքը միւսոյն ազգի, միւսոյն հասարակութեան վերայ է, մեր վերը ասածը մնում է ճիշտ և այդ պատճառով կարող ենք շարունակել:

Ինչպէս է ազգում մի ժողովուրդի կարիքների չափսը պսակների յաճախման աստիճանի վրայ: Զարդարութէն էր նկատեցէք, որ ամեն մարդու բնաւորութեան յատուկ է գոնէ իւր դասի մէջ մնալ և վայելել այն բոլորը, ինչ հասարակութիւնը յատկացնում է այդ դասին: Եթէ բանւորը չէ ձգտում դէպի, դիցուք, վաճառականների կենցաղավարութեան եղանակը, նա գոնէ ձգտում է իւր դրութեամբ այնքան բարձրանալ, որքան բանւորական հանգամանքները այդ թոյլ են տալիս և ըստ այնմ՝ ապահովել իւր կեանքը, նոյն դասին յատուկ բոլոր կարիքները լցուցանելու կարելիութիւնը

ստեղծելով: Նոյն տեսակ մտածում է ամեն ուրիշ դասակարգի անհատը, փոքրից սկսած մինչ ամենամեծը: Այդ զգացմունքը ընդհանուր լինելով, թէպէտ մի երկրի բոլոր բնակիչները իրար խօսք խօսքի չեն տալիս այսքան կամ այնքան թւով պսակուել, բայց բոլորի մի տեսակ վարմունքից առաջանում է ձգտումն, պսակներ միայն այնքան կատարել, որքան հարկաւոր է, որ նոցանից ծնած նորշունչերը, բաժին պահանջելով երկրի այժմեան հարստութիւնից, իւրաքանչիւրի բաժինը չ'նուազացնէր և ըլստիպէր հասարակութեան անդամներին իրենց կարիքները աւելի պակաս կերպով բաւականացնել. քան այդ առաջ կարելի էր: Ի հարկ է, այդ նպատակին լիսպէս հասած լինելու և ոչ մի ազգ աշխարհիս երեսին չէ կարող պարծենալ: Մարդուս բնութիւնից տուած հակումները շատ են բուռն, որպէս զի խելքի հաշիւներով կարենայ մարդ նոցա մի խիստ օրէնքի ենթարկել. բայց եթէ մարդս իւր բաղդի լիսպատար տէրը չէ, այդ հանգամանքը դեռ մեզ զինաթափ չէ անում մարտնչելու մեր սեպհական խելքով և աշխատել դէմ առնել լոկ բնութեան ձայնին հնազանդող տարրերի աւերիչ հոսանքին: Նոր և բազմաթիւ ծնունդներից պատճառած ազգաբնակութեան վերը բացատրած չափսից դուրս աճելու դէմ միակ միջոցը պսակների յաճախման նուազացնելը չէ միայն. հասարակութիւնը նոյն նպատակին հասնելու համար դիմում է մի այլ մեծ միջոցի և այդ միջոցը՝ երկրի հարստութեան օր ըստ օրէ և տարէ ցտարի աճեցնելը, բարձրացնելն է, որով և ապահովացնվում է նոր աշխարհք եկածների կեանքը: Ահա ինչու ոչ թէ միայն արդիւնաբերելը, այլ և արդիւնաբերութեան աստիճանապէս աճեցնելը մարդկալին յառաջադիմութեան համար մի անհրաժեշտութիւն է և նոյնքան ուժեղ

անհրաժեշտութիւն, որպէս ալս կամ այն բնական օրէնք:

Մենք գեռ կը վերադառնանք ալս հարցին. միայն ալստեղ՝ ի դէպս է հարցնել, թէ արդեօք բնութիւնը ինքը սահմաններ չէ դում արդիւնաբերութեան և մասնաւրապէս ապրուստի միջոցների աճման: Այս հարցը թէօրէական տեսակէտից մեծ կարևորութիւն ունէ, որովհետև եթէ ապրուստի միջոցների աճեցնելը միայն մարդուս ջանքից կախուած լինէր, այդ ջանքը գործդրած հասարակութիւնը ազգաբնակութեան որևէ աստիճանի աճելուց, բնաւ չ'պիտի քաշուէր, չ'պիտի նեղանար, չ'պիտի վախենար: Արդ, արդեօք այդ արդպէս է, արդեօք ազգաբնակութեան աճումը թշնամի չունէ՞ նոյն իսկ բնութեան մէջ:

Մեր դրած հարցը կրում է քաղաքատնտեսութեան մէջ Մալթուսի Աէսրէի անունը: Դա՝ այդ անգլիացի համարձակ մտածող քաղաքատնտես քահանան՝ Մալթուսն էր, որի անունով կնքուած է այդ ուսումը, և որի մեկնութիւնով ալժմ պիտի զբաղուենք:

Տեսնելով այն սարսափելի տեսարանը, որը ներկայացնում է մարդկային սրարածների բազմաթիւ մահացութիւնը, մանաւանդ ստորին դասակարգի մէջ, Մալթուսը ուզեց թէօրիապէս իմանալ դորա պատճառը: Խնդիրը լուծելու համար, նա նախ աշխատեց հարցը այնպէս գնել, որ մատչելի լինի գիտնական ճիշտ հետազօտութեան: Մալթուսը առաջարկեց ինքն իրան ալս հարցը նախ, թէ արդեօք ինչ քանակութեամբ կարող են մարդկի բազմանալ, և մէ ապրուստի միջոցները աճէին ըստ հարկաւորութեան, որ նոյնն է ասել, եթէ ապրուստի հոգսեր բնաւ չ'լինէին: Մալթուսը նկատեց, որ եթէ վատ ապրուստը և կամ ապրուստի չգոյութիւնը շատերին գերեզման է տանում,

ստիպում է մարդկերանց զսպողութեան և այն, ուրեմն, եթէ ենթադրենք որ ապրուստի բնաւ հոգս չ'լինէր, մարդիկ կ'պահկուէին, որպէս բնութիւնը նոցա հրամայում է և կ'ունենալին երեխաներ, որոնք գուցէ վազորօք չէին մեռնի: Արդ, հարցնում է Մալթուսը, արդպիտի անհոգ դրութեան մէջ, մարդիկ ինչպէս կ'աճէին: Այդ առաջին հարցն է: Երկրորդ հարցը, որ Մալթուսը տալիս է իրան՝ խնդիրը լուծելու համար, այդ ալս է, թէ արդեօք մարդուս սնունդ տւող միջոցները ինչ արագութեամբ են աճում: Թէ ինչ հետեանքներ է դուրս բերում Մալթուսը այդ հարցերի պատասխաններից, այդ մենք գեռ ժամանակ կ'ունենանք իմանալու: Ինչ մեզ այժմ հետաքրքրում է, այդ այն է, թէ ինչ պատասխաններ է տալիս Մալթուսը իւր դրած հարցերին: Ծանօթանանք նախ առաջնի հետ: Առաջինը այն էր, որպէս լիշում էր, թէ ինչ արագութուամբ էարող էն աճել մարդիկ, որ նոյնն է ասել, թէ մարդկերանց աճման ֆիզիոգիական կարելիութիւնը որքան է:

Մալթուսը այդ հարցը լուծելու համար, վերցնում է մի զուգ՝ մի մարդ և մի կին և շարունակում է մտածել այսպէս. ալս մի զուգից թող ծնուեն ընդամենը 6 երեխալ, 3 աղջիկ և 3 տղալ. 25 տարուալ ընթացքում սոքա կը կազմեն 3 զուգ, որոնցից իւրաքանչիւրը կ'ծնէ 6, ուրեմն երեքը միասին՝ 18 երեխալ, որոնցից ինը աղջիկ, իննը տղալ: Կրկին 25 տարուց լետոյ, սոքա կ'կազմեն 9 զուգ, որոնցից իւրաքանչիւրը 3 տղալ և 3 աղջիկ բերելով, բոլորը միասին 27 տղալ և 27 աղջիկ կունենան: Նոյն տեսակ մտածելով, մենք կը գտնենք, որ սոքա 25 տարուց լետ-27 զուգ կը կազմեն և կունենան 162 երեխալ, 81-ը աղջիկ, 81-ը տղալ և այլն: Այժմ տեսնենք թէ ինչ ստացանք:

Սկզբում մենք ունեինք ընդամենը . . . 1 զոլ  
 25 տարուայ ընթացքում մի զոլգը դառան . . . 3 զոլ  
 25 տարուայ ընթաց. երեք զոլգը դառան . . . 9 զոլ  
 25 տարուայ ընթաց. իննը զոլգը դառան . . . 27 զոլ  
 25 տարուայ ընթաց. 27 զոլգը դառան . . . 81 զոլ  
 25 . . . . . 81 զոլգը դառան . . . 243 զոլ  
 և այլն:

Նկատելու արժանի բանը այս թւանշաններում այն հանգամանքն է, որ իւրաքանչիւր քսան և հինգ տարիների ընթացքում մենք ստանում ենք 3 անգամ աւելի զոլգեր, քան առաջ: Ասում եմ Երես անգամ, բայց այդ երեքը այլ հանգամանքներում կարող է և չորս և հինգ լինել, նայած մի ազգի, մի ցեղի ծննդական բերութեան. եթէ Մալթուսը ամեն զոլգից ծնուածների թիւը 6 է ընդունում, որոնցից յետոյ պէտք է կազմուեն 3 զոլգ, այդ միայն հաւանսկանութեան մօտիկ մնալու համար է նա արած: Գործը այստեղ «երեք» բառի մէջ չէ, այլ «անգամ» բառի մէջ, որը բազմապատկութիւն է ցոյց տալիս:

Արդ, թւերի այնպիսի մի շարք, որպէս վերը բերածը (1, 3, 9, 27, 81 և այլն), որտեղ իւրաքանչիւր թիւը ստացվում է բազմապատկութեամբ նախորդ թւի մի բոլորի համար ընդհանուր բազմապատկիչ թւի հետ (այս հանգամանքում այդ ընդհանուր բազմապատկիչը 3 թիւն է), թուաբանութեան մէջ կրում է գէօմետրիական պրոգրեսսիալի կամ գէօմետրական աճման անունը: Այս շարքի մէջ՝ 1, 3, 9, 27, 81, 243 . . . որտեղից ստացանք 3-ը: Մէկը բազմապատկելով 3-ի վրայ: Որտեղից ստացանք 9-ը: Երեքը բազմապատկելով կրկին նոյն 3-ի վրայ: Իսկ 27-ը ստացանք, բազմապատկելով 9-ը

նոյն 3-ի վրայ և այլն: Ահա ինչու Մալթուսը, հաստատած լինելով, որ 1 զոլգից 3, 3-ից—9, 9-ից—27 զոլգեր են առաջանում, ասաց, որ մարդկային ցեղի աճելութիւնը, ֆիզիոլոգիապէս, կարող է գէօմետրիական պրօգրեսսիալով կատարուել:

Բայց արդեօք մարդկային ցեղը իրօք գէօմետրիական պրօգրեսսիալով է աճում: Դորան բացասելու համար, երկար մտածելու տեղիք չ'կայ: Չեզո՞նց իւրաքանչիւրը, Տիկիններ, և Պարոններ, կարող է իրան այս գուարճութիւնը ներել և մատիտը թղթին բռնած, հաշուել, վերը լիշած եղանակով, թէ քանի տարուայ մէջ կարելի է հասնել մի միլիոնի, հարիւր միլիոնի, հազար միլիոնի (միլիարդ) և հազարաւոր միլիարդ զոլգերի: Դուք կ'անունք, որ հինգ հարիւր տարում այդ մի զոլգը կ'արտադրէ 1 միլիարդ 768 հազար 219 զոլգերից աւելի: Իսկ հազար տարում այդ ահազին գումարը բազմապատկած իրան վրայ, որ կ'անէ աւելի քան 312 հազար միլիարդ (312,670,472,600,000): Բայց այս բոպէին մեր երկրագունտի բոլոր բնակիչների թիւը, չ'նայած մարդկային ցեղի ով գիտէ քանի քանի հազարաւոր տարիների գոյութեան, ստատիստիկական մօտաւորապէս ճիշտ տեղեկութիւնների համեմատ, հասնում է մինչ ոչ աւելի քան մի միլիարդ երկու հարիւր միլիոն հոգու: Ի՞նչն է պատճառը բնակիչների այդ համեմատական սակաւութեան: Մալթուսը դորան պատասխանում է ապրուստի միջոցների սակաւութեան պատճառը առաջ բերելով: Նա ուզեց հաստատել, որ ապրուստի միջոցները, բնական պատճառներով, աւելի նուազ աճման են ընդունակ, քան մարդկային ցեղը: Ինչպէս:

Ապրուստի միջոցներով Մալթուսը հասկանում է միայն այն, ինչ մարդուս կենդանութիւնը ապահովում

Է. ուրեմն միայն այն, ինչ մարդուս, բնական կամ ֆիզիօգիական անուանած կարիքները, պիտի բաւականացնէին. կարճ ասած, Մալթուսը հասկանում է այն խօսքով միայն մարդուս սնունդ տալու միջոցները, կերակրեղէնը: Բայց որովհետև կերակրեղէնների ամենամեծ մասը կամ ուղղակի բուսեղէններ են և կամ այնպիսի նիւթեր, որպէս միսր, որոնք առանց բոյսերի օգնութեան չեն կարող ստացուել (չէ թէ անսասուններին պէտք է բոյսով կերակրել), ուստի, հաստատելու համար իւր ասածը, Մալթուսը աշխատում է ապացուցանել, որ բուսեղէնները չեն կարող այն արագութեամբ առնել, որպէս մարդիկ: Խսկապէս, Մալթուսը ալդ չէ ապացուցանում, այլ միայն պնդում է, որ բուսեղէնները հակումն ունին արիֆմետիկական պրօգրեսիայով աճել: Արիֆմետիկական պրօգրեսիա, ինչպէս Զեղ լայտնի է, կոչվում է թւերի այնպիսի մի շարք, որտեղ իւրաքանչիւր թիւը ստացվում է նախորդ թիւից, սորան ոչ թէ բազմապատկելով, այլ գումարելով մի բոլորի համար ընդհանուր գումարիչ թւի հետ: Օրինակ, ենթադրենք թէ այդ ընդհանուր գումարիչ թիւը Յթիւն է. այն ժամանակ մենք կ'ստանանք հետեւեալ շարքը՝ 1, 4 (1+3), 7 (4+3), 10 (7+3), 13 (10+3), 16 (13+3), 19 (16+3) և այսպէս շարունակ: Ուրեմն ասում է Մալթուսը, մինչ դեռ մարդիկ հակումն ունեն բազմանալ գէօմետրիական պրօգրեսիայով, ապրուստի միջոցները հակումն ունեն բազմանալ արիֆմետիկական պրօգրեսիայով, այսինքն մինչ դեռ մարդիկ կ'բազմանալին հետեւեալ եղանակով՝ 1, 3, 9, 27, 81, 243 . . . , ապրուստի միջոցները կ'բազմանալին գորանից աւելի թուլ, այն է այս կերպով՝ 1, 4, 7, 10, 13, 16, . . . ուրեմն, մինչդեռ մարդկայն ցեղի մի զուգը կաճէր մինչ 243 զոյգի, բոյսի մի հատը

Նոյն ժամանակամիջոցում կաճեցնէր միայն 16 հատ: Ես ասացի, որ Մալթուսը իսկապէս միայն պնդում է առանց հաստատելու, իբր ապրուստի միջոցները արիֆմետիկական պրօգրեսսիայով են բազմանում: Ինչո՞ւ բոյսերը չեն կարող նոյն գէօմետրիական պրօգրեսսիայով աճել, որպէս մարդկայն ցեղը:

Բայց չ'նայած Մալթուսի ուսման ալդ երկրորդ մասի թերութեան, չ'նայած նորա ալդ կէտի վերաբերեալ սասածի անձշտութեան, այն միտքը, որը ուզում էր Մալթուսը գորանով լաւանել, կատարելապէս ճիշտ է: 'Ի նկատի առէք, Տիկիններ, և Պարոններ, որ եթէ մինչեւ անգամ բոյսերը գէօմետրիական պրօգրեսիայով աճելու հակումն կամ ոլժ ունենան, արդէն այն հանգամանքը, որ նոքա թէ ուղղակի և թէ անսասունների մսի ձեռվ մարդու կերակուրի են ծտռալում, այն հանգամանքը ուրեմն, որ նոքա անդադար փչացվում են, պէտք է խանգարէր նոցա գէօմետրիական պրօգրեսսիայով աճելուն: Ալդ պարզ է: Ենթադենք, ուրեմն թէ բոյսերը աճէին ոչ ինչպէս 1, 4, 7, 10, 13, 16 . . . , այլ որպէս 1, 3, 9, 27, 81, 243 . . . , բայց գորա հետ միասին գնում է և մարդկային ցեղի աճումը դոյն չափով, այն մարդկային ցեղի, որը առանց բոյսերի ապրել չէ կարող: Աճեց բոյսը երեքից մինչև իննը և մարդիկ ևս աճեցին երեք հոգուց մինչ իննը հոգի, այս իննը մարդիկը, ապրելու համար, պիտի փչացնեն այն իննը բոյսերի մի մասը, դիցուք 5 հատը, ուրեմն բոյսերից կ'մնալին 4, մարդիկի՝ 9: Աճելով գէօմետրիական պրօգրեսսիայով, այն 4 բոյսերը կ'աճէին մինչ 12 (4×3), մինչ դեռ նոյն միջոցում այն իննը մարդիկ կ'աճէին մինչ 27 (9×3): Անհաւասարութիւնը ակներև է:

Բայց ալդ միակ հանգամանքը չէ, որը հաստատում է

Մալթուսի միտքը: Երբ Մալթուսը իւր այդ թէօրէն հրատարակում էր, իսկ այդ մեզնից մի 85 տարի առաջ էր, տնտեսական գիտութիւնը դեռ պարզ չէր հասկացել մի այլ մեծ իրողութիւն, որը կարող էր Մալթուսին օգնել բուսականութեան սահմանափակ աճման մասին յայտնած իւր միտքը հաստատելու: Մալթուսին յայտնի չէր, որ հողը, մի յայտնի աստիճանից վեր, չէ տալիս այնքան արդիւնք, որքան մարդս այդ հողի վերայ ջանք և աշխատանք է գործադրում: Այդ այն է, ինչ տնտեսագիտութեան մէջ յայտնի է հողի արդիւնաբերութեան նուազման օրէնքի անունով և որի մասին մեր երկրորդ դասախոսութեան մէջ մենք առիթ կունենանք խօսելու:

Տեսնենք այժմ, թէ ինչ հետևացրեց Մալթուսը վերը լիշած հանգամանքներից: Մի զարհուրելի ճշմարտութիւն: Եթէ մարդիկ աւելի են աճում քան կերակրեղէնները, պարզ է, որ այդ մի բնական անհրաժեշտութիւն է որ կամ մարդիկ իրենց զսպեն երեխաններ աշխարհք բերելու նկատմամբ և կամ անթիւ համարով զոհուեն ապրուստի միջոցների պակասութիւնից:—Ազգերի կեանքի մէջ այդ երկուքն ևս կատարվում են. իսկ եթէ մահելը այն աստիճանի զարհուրելի տեսարան չեն ներկայացնում, որքան պիտի սպասուէր, եթէ մարդիկ գէօմետրիական պրօգրեսսիայով աճէին, այդ նորանիցն է, որ, ինչպէս վերը մի անգամ արդէն նկատեցինք, այդ աճումը իրօք չէ կատարվում լընթացս մի ամբողջ սերունդի. ապրուստի պակասութիւնը իրեն զգալ է տալիս ոչ թէ 20—25 տարիներից լետ, այլ իւրաքանչիւր րոպէ, իւրաքանչիւր օր, այնպէս որ գէօմետրիական պրօգրեսսիայի թւերի շարքում բազմալատկող թւերը միշտ աւելի փոքրիկ մեծութիւններ են ներկայացնում, քան պիտի լինէին: Որպէս

զի մեր ընդունած օրինակովը խօսենք, 27 զոյգերը ո՞էո՞ս է քսան և հինգ տարուայ ընթացքում դառնալին 81 զոյգեր. բայց եթէ ապրուստի միջոցները միայն կամաց կամաց են աճում, չէ թէ այդ պակասութիւնը պիտի զգացուի դեռ նախ քան այն 27-ից իւրաքանչիւր զոյգը կարողաց վեց երեխաններ աշխարհք բերել: Իւրաքանչիւր զոյգից կը մնան կենդանի ուրեմն ոչ թէ 6, այլ զուցէ 5, 4, զուցէ միայն 3, 2 երեխաններ: Խօսք չ'կայ, որ այդ հանգամանքների մէջ, մինչև որ այն 27 զոյգերը 81 զոյգեր գառնան, պիտի անցնեն ոչ թէ 25, այլ աւելի տարիններ, զուցէ 50, 60, 100, 300 տարիններ:

Հարկ չ'կայ ասել, որ այն խորհրդածութիւնները որ մենք արինք մի ազգի անհատական կարիքների միջին չափսի մասին, իրանց ոյժը չեն կորցնում Մալթուսի թէօրէի դիմաց: Այս հեղինակը ընդունում է իւր թէօրէի հիմքում այն հրաժեշտ միջոցները, որոնք հարկաւոր են մարդուս ապրելու. մինչդեռ մենք տեսանք, որ անհրաժեշտ պէտքերը կերպակրեղէնները չեն, այլ և այն բոլորը, ինչ մի քաղաքակրթութիւն իւրաքանչիւրի համար անհրաժեշտ և պարտաւորացուցիչ է շինել: Զանազանութիւնը այստեղ ուրեմն միայն կարիքների չափսի մէջն է այսինքն նորա մէջ, թէ ինչ պիտի ընդունել որպէս անհրաժեշտ կարիք: Բայց այդ հանգամանքը ոչնչով չէ փոխում այն մտածողութեան եղանակը, որը մենք տեսանք Մալթուսի թէօրէի մէջ:

Մալթուսի վերը բացատրած թէօրէով մեկնվում են ազգաբնակութեան վերաբերեալ մի քանի կարևոր հարցեր. դորանով է մեկնվում, թէ ինչու մարդկային ցեղը չէ կարողացել մինչև այժմ և երբէք էլ ըս պիտի կարողանայ լքցնել երկրագունդը. դորանով մեզ պարզ է, թէ ինչու մի կոյս և բերը երկրում, ուր բերքը առատ

է առանց մեծ աշխատանք պահանջելու, ազգաբնակութիւնը աւելի արագ է աճում, քան հին երկրներում և այլն:

Մի լաւ ապացուց, որ ուր գոյութեան և ապրուստի պայմանները յաջող են, ազգաբնակութիւնը ևս արագ է աճում, կարող է որպէս օրինակ ծառայել Ամերիկայի հիւսիսային Միացեալ նահանգների անցեալը: Եւր տարածութեան համար այդ երկիրը ունէ քիչ բնակիչներ, նամանաւանդ մի հարիւր տարի առաջ: Ահագին տարածութեամբ հողեր կալին, որոնք սպասում էին միայն մարդուն, որ ցոյց տար իրանց արդիւնաբերական արժէքը: Հողը մշակելու համար գրեթէ միայն ցանկութիւն էր պահանջվում և որովհետև ժողովուրդը մի վերին աստիճանի եռանդում, հասկացող, աշխատող ժողովուրդ էր, այդ ցանկութիւնն ևս պակաս չէր: Ազգաբնակութեան աճումը սկզբներում, այսինքն այն դարերում, երբ Եւրոպացիք դեռ նոր էին գաղթել այդ երկիրը, այսինքն 17-եր. դարում, պիտի որ զարմանալի արագ կատարուած լինէր: Դեռ չ'հաշուած Եւրոպայից նոր գաղթածներին, հաշվում են, որ նոյն իսկ 18-եր. դարում, հիւսիսային միացեալ նահանգների ազգաբնակութիւնը 20—25 տարուայ մէջ կրկնապատկվում էր: 1780 թիւց մինչ 1800 թիւը, ուրեմն տասը տարիների ընթացքում, այդ ազգաբնակութիւնը, ծնունդների գերազանցութեան պատճառով մահացութեան վերայ, աւելացաւ 39,9% ուրեմն համարեա 40% -ով, որ կ'նշանակէ, եթէ այդ տեսակ շարունակուէր: 25 տարիներում ազգաբնակութիւնը կը կրկնապատկուէր: Բայց ազգաբնակութիւնը աճելով, կեանքի պայմանները աւելի ու աւելի պիտի դժուարանալին, գոնէ այս հաստատ է, որ, հետեւեալ տասնեակ տարիներում, աճումը աստիճանաբար նուազեց: այնպէս որ այդ

աճումը ներկայացրեց 1800 մինչ 1810 թիւը—մի փոքր աւել քան 33%, 1810-ից—1820 32%, 1820-ից մինչ 1830—մօտ 31%, 1830—40—29,6%: Բայց և այս վերջին աճման աստիճանով, ազգաբնակութիւնը պիտի կրկնապատկուէր 34 տարիներում, որը մեծ և շատ մեծ աճումն է:

Ես չեմ կասկածում, որ ամեն քաղաքակերթ ազգիւր պատմութեան մէջ ունեցած է ժամանակներ, դարեր, երբ նա ներկայացրել է նոյն տեսակ մեծ աճում, որպէս Ամերիկայի հիւսիսային միացեալ նահանգների ազգաբնակութիւնը անցեալ երկու դարերում և այս դարուայ սկիզբներում: Ի հարկ է, այդ դարերը չ պէտք է որոնել մի ազգի զարգացման ամենաբարձր շրջաններում, այլ ընդհակառակը պատմութեան այն շրջանների մէջ, երբ մի ազգ դեռ լիովին բռնած չէ եղել երկրի ամբողջութիւնը. երբ այդ ազգը ունեցել է գեռ մշակելու համար հողերի մեծ տարածութիւն. այդ դարերը երկիրը բնակեցնելու և ազգի կազմակերպուելու դարերն են և ոչ այն ժամանակները, երբ նա արդէն հաստատ կերպով կազմակերպուած է եղած:— Բայց դառնանք դէպի հարցը: Մալթուսի ազգաբնակչական օրէնքը իւր ժամանակին մի հաշտին աղմուկ հանեց ամբողջ Եւրոպայում: Նորա գիրքը առաջին տիպով լոյս ընծայուեց 1798, երկրորդ տիպով 1803 թւին: Այն բանակուէր, որը ծագեց Մալթուսի դէմ, շատ կատաղի էր, նման այն բանակըուկին, որը բարձրացրեց Դարվինի թէօրէն այս դարուայ վախտունական թւականներին: Եւ զարմանալին այն է, որ, եթէ ոչ բանակուէր ինքը, գոնէ բանակուուական ոգին շարունակվում է ցայժմ տեսել բոլոր այն հեղինակների մօտ, որոնք այս կամ այն առիթով ստիպուած են լինում շօշափել այդ հարցը: Այդ բանակը-

ռուի կատաղութեան իսկական պատճառը, սակայն, չը պիտի որոնել այն մի քանի թերութիւնների մէջ, որոնցից արդարե զուրկ չէ Մալթուսի թէօրէն և որոնցից ամենագլխաւորը այն պիտի համարել, որ Մալթուսը հակառակ գիտնական ոգու, որը խստապէս պահանջում է ապացոյներ ասածը հաստատելու համար, իւր թէօրէին ուզեց մի մաթեմատիկական ֆօրմուլի ձև տալ, բայց սխալուեց. և իսկապէս, ինչ հարկ կար ասելու, թէ բոլորը արիֆմետիկական պրօգրեսիալով են աճում, քանի որ այդ անապացուցանելի է. մի՞թէ միայն ականջին գուրեկան լինելու համար, որը կոնտրաստներ է սիրում: Ասելով, որ մարդկային ցեղը գէօմետրիական պրօգրեսիալով է աճում, իսկ բոյսերը արիֆմետիկական պրօգրեսիալով, Մալթուսը, ասում եմ, շատ կարելի է որ հետեւ է բարեհնչութեան պահանջին, փոխանակ հետեւու ճշտութեան պահանջին: Մալթուսը այդ անելու հարկ չուներ. բաւական էր, որ նա ասէր, թէ բոյսերը գէօմետրիական պրօգրեսիալով աճել չեն կարող արդէն այն պատճառով, որ նոքա անդադար պիտի փըշացուին մարդկերանց կերակրելու համար:

Բանակութի բուն պատճառը, ասացի, պիտի ալլուր որոնել: Այո՛, գտնուեցան մարդիկ, որոնց թիւը գժեաղտաբար բազմաթիւ էր, որոնք Մալթուսի խօսքերից շօշափուած զգացին իրենց կրօնական զգացմունքների մէջ: Մարդիկ՝ որոնց միաքը անպայման կերպով իշխուած է տիեզերքի ներդաշնակութեան և արարչական բարութեան գաղափարներով, մերժում են հաւատալ, որ մարդուս կեանքը, նորա գոյութիւնը կարող է այնպիսի խիստ, երկաթալիին օրէնքներով իշխուած լինել, որպէս Մալթուսի թէօրէն այդպիսիներից մինն է ներկայացընում: Եթէ Մալթուսի այն ինքն ըստ ինքեան պարզ

ուսումը ոյժ ունեցաւ ոչ միայն գիտնականների ուշադըրութիւնը ազգաբնակչական երևոլթների վրայ գարձնել, այլ և նոյն իսկ կուսակցունների բաժանելու չափ հասարակութեան խորքը թափանցել, դորա պատճառը այն է, որ Մալթուսի գէմ բացած բանակուլը ներկայացընումէ իսկապէս մի էպիզօդ այն տրագիկական կոռուից, որի մէջ կարծես յարատեւ գտանվում է հաւատի մէջ ապատան գտնելու կարօտ մարդկային զգացմունքը՝ բնութեան անհրաժեշտութիւնների գէմ:

Մալթուսի գիրքը, սակայն, ժամանակի ծնունդ և միւնոյն ժամանակ մի բողոք էր ժամանակակից սերունդի սխալ գաղափարների գէմ: Այդ առիթով մի տնտեսագէտ նկատում է, որ, երբ Մալթուսը իւր թէօրէն յայտնեց, մի ամբողջ սերունդի ժամանակամիջոցում այնպիսի մտքեր էին իշխուած, իբր թէ իսկապէս ծառերը երկնքում անգամ կարող էին բուսնել, միայն թէ, իհարկէ, նոքա պիտի նոր գիտնական մեթօդներով տնկած, մշակուած լինին! Այդ 18-եր. դարուայ վերջերին էր, գիտնական և քաղաքական շարժումների գարեգլուխը: Իրենց համարձակ կռուի մէջ ըռնակալութեան և խաւարի գէմ 18-եր դարուայ երկրորդ կէսի մարդիկը, մանաւանդ Ֆրանսիայում, որը իշխուած էր ամբողջ Եւրոպայի կրթուած մարդկութեան, շատ էին հակոււած ամեն չարիք վերագրըել վատ օրէնքներին, կարծելով որ մարդս, եթէ ուզէ, կալող է ստեղծել մի կատարեալ, ամեն չարիքից ազատ հասարակութիւն: Մալթուսի թէօրէն կարող է մի բողոք համարուիլ այդ չափազանցութիւնների գէմ, յոյց տալով մի գէպք, որտեղ բնութեան հակառակող որժը աւելի զօրեղ է քան մարդկային ցանկութիւնը:

Իսկ է, Մալթուսը, իւր գրքի մի քանի կէտերում, հարկաւոր եղածից խիստ խօսքեր ունէ: Այդ խօսքերից

մինը հետևեալ կտորն է, որի խստութիւնը Մալթուսի հակառակորդները հեղինակին բնաւ չ'կարողացան ներել: Մի մարդ, ասում է Մալթուսը, որը մի արդէն նուածուած աշխարհքում է ծնվում և որին ոչ նորա ընտանիքը կարող է կերակրել և ոչ նորա աշխատանքին հասարակութիւնը կարօտութիւն ունէ, այդ մարդը բնաւ իրաւունք չունէ իւր համար պահանջել ապրուստի միջոցների մինչև անգամ ամենաշնչին մասը, և նա իսկապէս աւելորդ է երկրիս երեսին: Բնութեան մեծ ճաշկերոյթին նորա համար ոչ մի սպաս (convict) չէ դրած: Բնութիւնը հրամայում է նորան կրկին լետ դառնալ և ըոսէ չէ կորցնում իւր հրամանին ինքը կատարում տալու:

Այս խիստ խօսքերը վիրաւորեցին հասարակութեան զգացմունքը մինչ այն աստիճանի, որ Մալթուսը, որը դեռ երիտասարդ էր իւր գրքի առաջին հրատարակութեան ժամանակ, իրան ստիպուած տեսաւ, գրքի երկրորդ տպագրութեան մէջ, վերը բերած կտորը բոլորովին դուրս թողնել:

Որպէս զի մեր հաշիւը վերջացնենք Մալթուսի թէօրէի հետ, աւելցնենք այն դիտողութիւններին, որ մենք արինք այդ թէօրէի բացատրութեան ընթացքում, նաև հետևեալ նկատողութիւնը: Մինչ այժմ մենք թոլլ տուինք, որ մարդկային ցեղը կարող է աճել զէօմետրիական պրոգրեսսիայով: Այդ կարելիութիւնը այն ժամանակ հաւանական կ'լինէր, եթէ ամեն մի մարդկային զոյտ երեխաներ աշխարհք բերէր: Բայց կան նաև չը բերք զոյգեր և անբերրութիւնը այնքան սակաւ չէ, որքան շատերը մեզնից զուցէ կարծելու կ'հակուէին: Օէստերլինը (Oesterlen) իւր «բժշկական վիճակագրութեան ձեռնարկ» գրքի մէջ ասում է, որ բոլոր պատկների 10—20% անպտուղ են: Ֆարբը հաշվում է իւր մի

տեղեկագրի մէջ 185] թւականին, որ 27 միլիոն բընակիչների վերայ, որ այն ժամանակ ունէր Անգլիայի միացեալ թագաւորութիւնը, (բուն Անգլիան, Շոտլանդիան, Իրլանդիան միասին) մի միլիոն անզաւակ ընտանիքներ կային, եթէ ընտանիք հաշուենք նաև ալրիացած մարդիկ: Մօրիս Բլոկը, չ'գիտեմ ինչ հիմունքների վերայ, կարծում է, որ հինգ կանանցից մէկին չը բերք կարելի է հաշուել: Ինչ և իցէ այս հանգամանքի ՚ի նկատի չ'առնելը մի զանցառութիւն է Մալթուսի կողմից, բայց մի զանցառութիւն, որը թէպէտ և կարող է նուազացնել նորա ասածի մաթիմաթիկական ճշտութիւնը, բայց ոչ հերքել թէօրէի ընդհանուր գաղափարը:

Մալթուսի թէօրէին, մի ճշմարիտ ընդհանուր ագդաբնակչական թէօրէ լինելու համար, ըստ իս մի բան է պակաս, այնէ՝ լիակատարութիւնը: Նա կարօտութիւն ունէ լրացման: Եթէ ես ձեզ հետ, Տիկիններ և Պարոններ, երկար խօսած չ'լինէի անհատական կարիքների մասին, Մալթուսի թէօրէից չէ՞ք դուրս բերի արդեօք այն եզրակացութիւնը, որ, եթէ այսօր, օրինակի համար ֆրանսիան, որ այժմ 37 միլիոն բնակիչներ ունէ, 40 միլիոն ունենար, երեք միլիոնը պէտք է անպատճառ մեռնէին: Մալթուսը մոռանում էր իշել, որ յառաջադէմ ազգերը իրենց կարիքները բազմացնում են, այնպէս որ բոլոր քաղաքակրթուած երկիրները անհամեմատ աւելի քիչ բնակիչները ունին, քան թէ կ'ունենալին եթէ նորա բընակիչները թողնէին բոլոր կուլտուրական պահանջները: Ուրեմն կարող է պատահել, որ մի երկրի հարատութիւն չի աւելանայ, բայց նորա բնակիչների թիւը կը աճէ: Մալթուսի թէօրէի համեմատ այդպիսի բան չէր կարող պատահել, միշտեռ այս դասախոսութեան դեռ

սկզբում բացատրած կարիքների չափսի թէօրէի համեմատ, այդ կարող է պատահել. և մենք կարող ենք միենալու ժամանակ աւելացնել, որ այդպիսի հանգամանքում եղած աճումը լետադիմութեան նշան է, որովհետեւ այդ երկրի մարդիկը ստիպուած պիտի լինին աստիճան առ աստիճան պակասցնել իրենց պահանջները մինչեւ որ կ'հասնին այն դրութեանը, ուր նոքա պիտի բաւականան միայն ապրելու համար տմենաանհրաժեշտ եղածովք: Դորան ամենից լաւ օրինակ կարող է ծառայել Զինաստանը: Ամեն ինչ ցոյց է տալիս, որ չինացիները մի ժամանակ յառաջադէմ ժողովուրդ են եղած և մէքարձը քաղաքակրթութիւն ունեցած: Բայց արդէն վաղուց է և շատ վաղուց, որ նոքա դադարել են յառաջ խաղալուց. լետադնացութիւն իսկապէս չէ նկատվում, բայց նոքա այժմ մնում են այն, ինչ որ նոքա էին դեռշատ դարեր առաջ: Արդ, մի այդպիսի երկիր, որպէս Զինաստանն է, որի մեծութիւնը քիչ աւել է, քո՞ն ամբողջ Եւրոպան միասին (Եւրոպական Ռուսաստանն էլ միասին հաշուած), ունէ, ըստ նորագոյն տրուածներին, առնուազը հարիւր միլիոն աւելի բնակիչներ քան ամբողջ Եւրոպան: Իսկ եթէ հաշուելու լինինք միայն բուն Զինաստանը առանց Մանջուրիայի, Մօնգոլիայի, Տիբէտի և Կօրէլի, կ'տեսնենք, որ այդ երկիրը Եւրոպակի տարածութեան կէսից դեռ շատ պակաս լինելով, ունէ Եւրոպակից դեռ մի 50 միլիոնով աւելի բնակիչներ: Բայց կասկածի առարկալ երբէք չէ կարող լինել, որ Զինաստանը դեռ շատ հեռու է նոյն արդիւնաբերական ոյժը ունենալուց, ինչ ունէ նորանից սակաւ բնակեցրած Եւրոպան: Իսկ միւս կողմից, տնտեսական անյառաջադիմութեան դիմաց, Զինաստանի ազգաբնակութիւնը ոչ միայն չէ նուազում, այլ և աճում է. գոնէ կան նշան-

ներ, որոնցից պիտի աւելի աճելը քան նուազելը եզրակացնել: Զինացին այդպիսով ստիպուած է եղել դարերի ընթացքում նուազեցնել իւր պահանջները և բաւականալու մի ապրուստով, որը եւրոպացին, իւր այժմեան դիրքում, չէ կարող ընդունել: Դորան ապացոյց թող ծառայէ այդ դրութիւնը, որի մէջ են գտնվում Ամերիկա գաղթած չինացի բանորները համեմատած այն կեանքի հետ, որը վարում են նոցա հետ միասին աշխատող եւրոպացի և կամ որ նոյնն է, եւրոպական ցեղերի ամերիկացի բանորները: Այդ մի հարց է, որը մի քանի տարիներէ ՚ի վեր գրաւել է Ամերիկայի Հիւսիսային Միացեալ Նահանգների ուշադրութիւնը և սպառնում է դառնալ մինչև անգամ մի ընդհանուր հասարակաց և քաղաքական հարց: Դործը նորանումն է, որ այդ երկրի արևետեան մասում, մանաւանդ Սան—Ֆրանցիսկօ քաղաքում, չինացի գաղթականները կազմում են մի բաւականի մեծ ազգաբնակութիւն և նոյն իսկ այդ պատճառով, մեծ մրցութիւն են անում ամերիկացի բանորների հետ: Բայց այդ մրցութիւնը դեռ տանելի կ'թւէր ամերիկացիներին, եթէ միայն չինացիները, իրենց պահանջների վերին աստիճանի սահմանափակ լինելու պատճառով, առիթ չտալին օրավարձի պակսելուն: Ամերիկացի կամ եւրոպացի բանորը, մեր այժմեան քաղաքակրթութեան, որը թոյլ չէ տալիս, որ օրավարձը մի յալտնի աստիճանից վայր իջնէ. այդ պատճառով եւրոպական բանորները աշխատում են բարձրացնել օրավարձը, որքան այդ կարելի է: Բայց ահա գալիս է չինացին և խանգարում է նորան իւր այդ նպատակին հասնելու, և ինչու. որովհետեւ չինացին շատ չնշին բանով իրան բաւականութիւն է տալիս և իւր աշխատանքը անհա-

մեմատ աւելի աժան է առաջարկում, քան ամերիկացին կամ եւրոպացին։ Ահա ինչու Սան-Ֆրանցիսկօլի ամերիկացի բանւորները այս վերջին տարիներում սաստիկ կատաղած էին չինացի համաշխատակիցների դէմ, և վրտանգաւոր համարելով չինացիների բազմանալը Ամերիկայում, պահանջում են, որ նոցա մինչև անդամ իսպառ արգելուի Ամերիկա գաղթել, մասնաւանդ որ, եթէ չինացիների գաղթականութիւնը մի երկու սերունդ շարունակուի, նոքա կարող են սպառնալ Հիւսիսային Միացեալ Նահանգները չինականացնելու։

Դուք տեսնում էք այժմ, որ տնտեսական յառաջագիմութիւնը ոչ թէ միայն ցանկալի պիտի համարուի, այլ և ամենակարեւոր անհրաժեշտութիւն մի հասարակութեան, մի ազգի, մի պետութեան նոյն իսկ գոլութեան համար, եթէ այդ գոլութիւնը մի որեւիցէ քաղաքակըրթական նպատակի պիտի ծառալէ։

Խօսելով ազգաբնակութեան աճման և նուազման երեսովների վերայ և յալտնելով Զեղ նոցա պատճառների մեկնութիւնները, ես՝ ի նկատի չունիմ սպառել հարցը այն չափով, որքան այդ թերևս թոյլ կ'տար գրականութեան հարստութիւնը այդ առարկայի մասին։ Այստեղ տեղը չէ զբաղուել մասնաւոր կէտերով. հետազոտութիւններ կան արած և այն բազմաթիւ, թէ ինչպէս է ազդում պսակների ուրեմն և ծնունդների յաճախման վերայ ցորենի անառատութիւնը, թէ ինչպէս է ազդում նոյն անառատութիւնը մահացութեան պատեհների թւի վերայ. հետազոտութիւններ կան արած և կամ հիմնաւոր կարծիքներ յալտնուած, թէ հողալին սեպհականութեան այս կամ այն սիստէմը ինչ ազգեցութիւնը է գործում ժողովրդի հեռատեսութեան վերայ պսակների յաճախման նկատմամբ և այն և այլն։ Այդ բոլորը

այնպիսի հարցեր են, որոնք թէպէտ շատ հետաքրքիր ինքնըստինքեան, բայց չեն կարող մտնել մեր այս օրուայ դասախոսութեան շրջանակի մէջ. որովհետեւ ժամանակը սուղ է, իսկ մենք աւելի կարեւոր բաներ ունինք հազորդելու։

Հարցը այժմ նորանումն է, թէ աճումը կամ նուազումը, որ նոյնն է, թէ պսակների, ծնունդների և մահի պատեհների թիւը իրօք որքան է այլ և այլ երկիրներում։ Սոքա արգեն բուն գործնական հարցեր են և վերաբերում են եղելութեան, իրական կեանքին։ Դոյցա պատախանները գտնելու համար մենք այլ ևս կարօտութիւն չ'ունինք գիմել թէօրէների. թէօրէն հարկաւոր է, երբ պահաջում է ընդհանուր երեսովներ առաջացընող դրութիւններ գտնել և կամ, փիլիսոփայական ոճով ասած, գտնել երեսովների մէջ այն, ինչ պատճառն է և այն, ինչ պատճառի հետեանքն է։ Առանց թէօրէների գիտութիւն չէ կարող գոյութիւն ունենալ, որովհետեւ գիտութիւն չէ նշանակում լրկ գիտելիքներ, տեղեկութիւններ, այլ գիտութիւնը՝ գիտելիքների մի ամբողջ սիստէմ է, իսկ սիստէմ չէ կարող ստեղծուիլ առանց իրերը, երեսովները իրար հետ շղթակապող մեկնութիւնների։ Մինչ այժմ մենք զբաղուեցինք հարցի միայն այդ թէօրէական մասով, ի հարկէ միայն այն չափով, որքան այդ թոյլ է տալիս գիտութեան ալժմեան աստիճանը, որը պէտքէ խոստովանուել դեռ հեռու է մեր պահանջներին, ցանկութիւններին լիովին բաւականութիւն տալուց։

Դիմենք ուրեմն իրականութեան և յալտնենք իսկոյն և եթ, որ մեր միակ աղբիւրը և միջոցը ազգաբընակական հարցերին ճշտօրէն պատախաններու, վիճակագրութիւնն է, ստատիստիկան է։ Այնակագրութիւնը, այսինքն ամբողջութեան վերաբերեալ և սիստէմատիկա-

պէս հաշուած համահաւասար միութիւնները կամ պատեհները: Այդ բացատրութիւնը արդէն կատարեալ բաւական է հասկանալու համար, որ ազգաբնակչական երեսովները միայն այն ժամանակ կարելի է ուսումնասիրել, եթե բաւականաչափ ստատիստիկական նիւթեր կան ժողոված: Բայց ստատիստիկական նիւթեր ամեն երկը չունէ. այդ միայն Եւրոպան և Ամերիկայի մի քանի տէրութիւններն են, ուրեմն միայն քաղաքակրթուած ազգերն են, որոնք տէրութեան կամ համայնքների միջոցով այդ տեսակ նիւթեր են հաւաքում երկրի դրութիւնը ճանաչելու համար: Միայն այդ երկրների դրութիւնը մենք գիտենք և այդ պատճառով միայն նոցադրութիւնը կարող ենք Ձեզ յայտնել և ուսումնասիրել շատ թէ քիչ կատարեալ կերպով: ՚Ի հարկէ, որպէս Դուք դեռ կ՝ տեսնէք, նոցա մասին ունեցած տեղեկութիւնները կարող են լոյս ձգել նաև այլ ազգերի դրութեան վերայ: <sup>1)</sup>

Ի Սկսենք պսակներից. բայց նախքան թւանշաններ առաջ բերենք, վճռենք այս հարցը, թէ արդեօք ինչ պիտի նշանակեն այդ թւանշանները:

Գործը նորանումը չէ միայն, թէ մի երկում, մի տարուայ մէջ որքան պսակներ են կատարվում, այլ պէտքէ նաև իմանալ, թէ այդ թիւը ինչ մեծութիւն է ներկայացնում: Թոյլ առւէք մի երկու բառով բացատրեմ ասածս: Դիցուք հաշուեցինք, որ մի գիւղում մէ

<sup>1)</sup> Ներքեւ բացատրութիւնները ամբողջապէս կիմուած են ստատիստիկան թւանշանների վրայ. ոչ ոք չէ կարող պարծենալ նոցակեղնակը լինելու, որովհետեւ ստատիստիկական նիւթեր հաւաքելու համար ոչ մի անհատական ոյժ բաւականութիւն չէ կարող տալ, և նորա հաւաքելը կատարվում տէրունակոն կամ հասարակաց հիմնարկութիւնների կարգադրութիւններով:

տարուայ մէջ 20 պսակներ կատարուեցան: Այդ թիւը «քսան» ինքն ըստ ինքեան մեզ ոչինչ չէ հասկացնում և այդ այն պատճառով, որ եթէ մի հինգ տարիներից լետ նոյն գիւղում 25 պսակներ կատարուեն, մենք դեռ չենք կարող պնդել, պսակները աւելի յաճախ են դառել թէ ընդհակառակը, սակաւել են. որովհետեւ այդ հինգ տարիների ընթացքում գուցէ այդ գիւղի ազգաբնակութիւնը այս կամ այն պատճառով կրինապատկուել կամ երկու անգամ փոքրացել է: Այլ բան է, եթէ համեմատենք պսակների թիւը նոյն տարուայ ազգաբնակութեան հետ. այն ժամանակ մենք կ՝ ստանանք զանազան մեծութիւններ և կարող կ՝ լինէինք մի որևէցէ եղբակացութիւն դուրս բերել, որը օգտաւէտ կ՝ լինէր ժողովրդի դըրութիւնը որոշելու համար: Այս բացստրութիւնները թերևս Ձեզնից շատերին աւելորդ ժւէին. որովհետեւ լիրաւի, դոքա տարրական ճշմարտութիւններ են կազմում բոլոր գիտութիւնների համար: Բայց որպէս զի այլ դիպուածներում ստիպուած չ՝ լինենք միշտ նոյնը կրկնել, գործածենք այդ զանազան թւերը իրարից որոշելու համար այն տերմինները, այն բառերը, որոնք ընդունված են բոլոր գիտութիւնների մէջ: Այն թիւը, որը լոկ քանակութիւն է ցոյց տալիս, անուանվում են բացարձակ կամ աբսոլուտ մեծութիւն. եթէ մի գիւղում 20 պսակներ են կատարուել, այդ թիւը «քսան» պսակների աբսոլուտ մեծութիւնն է ցոյց տալիս. մինչդեռ այն թիւը, որը յարաբերութիւն է ցոյց տալիս, անուանվում է յարաբերական մեծութիւն. եթէ այն գիւղը, ուր 20 պսակներ են կատարուել, 2000 բնակիչներ ունէր, նշանակում է ամեն մի 1000 բնակիչների վրայ ընկած են 10 պսակներ և կամ հարիւրի վրայ մի պսակ, որ նոյն է թէ պսակները կազմած են եղել այդ գիւղում և այդ տապակները կազմած են եղել այդ գիւղում և այդ տա-

ըում 1 պրօցէնտ: Այդ մի պրօցէնտը կազմում է պսակների յարաբերական մեծութիւնը: Ուրեմն մեր վերը ասածի միտքը այն է, որ մեզ հարկաւոր է իմանալ պսակների յարաբերական մեծութիւնը, թէպէտ և, որպէս Դուք այն մի օրինակից արգէն համոզուել կարող էք, առանց աբսոլուտ մեծութեան՝ յարաբերական մեծութիւնը գրտնել անկարելի է: Փոխանակ ասելու յարաբերական մեծութիւն, մենք կարող ենք ասել յաճախութիւն: Եթէ մի երկրում կատարուած պսակների թիւը մի տարում ազգաբնակութեան  $1^0/0$  է եղած, միւս անգամ  $2^0/0$ , նըշանակում է, թէ այս երկրորդ տարուալ մէջ պսակներ երկու անգամ աւելի յաճախ են կատարուած. այդ պարզ է:

Պսակների յաճախութիւնը իմանալու համար, նախ պէտք է բաժանել ազգաբնակութեան թիւը պսակների թւի վերաց: Բայց կայ և մի այլ մեթօդ, որը առաջնից աւելի ճիշդ է. այլ մեթօդը կալանում է նորանում, որ պսակների թիւը համեմատում են ոչ թէ ամբողջ ազգաբնակութեան հետ, այլ միայն պսակուելու տարիներում գտնուող ազգաբնակութեան հետ: Օրինակ մի երկիր ունէ մի միլիոն բնակչ. այդ մի միլիոնից դուրս են գալիս այնքան, որքան, մի տարեկանից մինչ դիցուք 15 տարեկան երեխաներ կան այդ մի միլիոնի մէջ: Դիցուք այն ժամանակ այն մի միլիոնից մնաց  $700,000$ : Եթէ պսակների թիւը 10,000 էր եղած, նշակում է, թէ պսակների թիւը կազմած է պսակուելու տարիներում գտնուող ազգաբնակութեան  $\frac{7}{10}$ -ական մասը: Դուք գուցէ հարցնէք, թէ այս վերջին մեթօդը ինչ առաւելութիւն ունէ առաջնից: Այդ առաւելութիւնը նկատվում է մանաւանդ այն ժամանակ, եթէ հարկաւոր է լինում համեմատել այլ և այլ երկիրների դրութիւնները պսակների յաճախման նկատմամբ: Բայց

նորանումն է, որ մի երկիր միւսից երբեմն շատ է զանագանվում երեխաների յարաբերական թւով: Ահա Ձեզ մի ապացոյց: Հաշուած է, որ ամեն մի 10,000 հոգու վըրայ ֆրանսիայում գալիս են 3,612 մի օրականից մինչ 20 տարեկան հասակի շունչեր, միջգեռ Պրուսիայում՝ 4,665: Զանազանութիւնը, որպէս տեսնում էք, շատ մեծ է: Նշանակում է, թէ ֆրանսիայում համեմատապէս աւելի շատ թւով պսակուելու տարիներում գտնուող մարդիկ կան, քան թէ Պրուսիայում, այնպէս որ, եթէ և ֆրանսիայում և Պրուսիայում ամեն մի 10,000 բնակիչն ների վրայ դիցուք 100 պսակ գային, առաջին մեթօդով հաշուած՝ պսակների յաճախումը այդ երկու երկիրներում հաւասար կ'լինէր, մինչդեռ, երկրորդ մեթօդով հաշուած, պէտք է եզրակացնէինք, որ ֆրանսիայում մարդիկ աւելի սակաւ են պսակում, քան Պրուսիայում:

Այս ասած, տեսնենք այժմ, ինչ է ասում վիճակգրութիւնը պսակների յաճախման մասին Եւրոպակի զանազան երկիրներում: Այս ցուցակը մենք փոխ ենք առնում ֆրանսիական ստատեստիկոս Բերտիլօնի մի աշխատանքից:

Պսակների թիւը ըստ 1000 անձերի

աւելի քան 15 տարեկան հասակի:

Կատարուած կատարուած

շրջաններ պսակներ

Բաւարիա 1850—59 միջին թուով 9. 0

Բելգիա 1851—60 — — 1 0. 6

Շվեյցարիա 1836—65 — — 1 0. 9

Ֆրանսիա 1856—65 — — 1 1. 0

Նորվիգիա 1851—60 — — 1 1. 5

Իտալիա 1851—60 — — 1 1. 6

Հունագիա 1830—59 — — 1 2. 4

Գանիա 1855—59 — — 1 2. 6

Աւստրիա 1856—59 — — 1 2. 6

|          |         |   |   |   |    |   |
|----------|---------|---|---|---|----|---|
| Պըուսիա  | 1859—61 | — | — | 1 | 2. | 7 |
| Անգլիա   | 1857—66 | — | — | 1 | 3. | 0 |
| Սաքսոնիա | 1859—61 | — | — | 1 | 3. | 0 |
| Ունգարիա | 1856—59 | — | — | 1 | 3. | 6 |

Նշանակում է, թէ Բաւարիայում, 1850-ից մինչ 1859 թուականը, միջին թւով տարենը ամեն մի 1000 անձերի վրայ, 15 տարեկանից վեր, 9 պսակներ էին գալիս, որ կ'անէ  $\frac{9}{10} \%$ , Բելգիայում 10. 6, որ կ'անէ  $\frac{6}{100} \%$ , Ֆրանսիայում 11, որ կ'անէ  $1\frac{1}{10} \%$ , Պըուսիայում  $1\frac{27}{100} \%$ , Ունգարիայում  $1\frac{36}{100} \%$ :

Անկարելի է, Տիկիններ և Պարոններ, որ այս ցուցակի վերայ նայելիս, Ձեր աչքին զարնած չլինէ թւերի այնքան փոքր զանազանութիւնը իրարից: Դուք տեսնում էք, որքան հաւասար է պսակների յաճախումը արիւնով, ցեղով և քաղաքակրթութեամբ շատ թէ քիչ իրարից տարբեր ազգերի մօտ: Այդ միայն մի երկիր է, ուր պսակների թիւը 1 պրօցէնտից պակաս է, բոլոր միւս յիշուած երկիրներում այդ թւերը կազմում են 1 պրօցէնտից սկսած մինչ մի և երրորդ պրօցէնտ: Ի հարկէ, այդ զանազանութիւնները, որ մենք տեսանք, որքան և փոքր լինին նոքա, նշանաւոր պիտի լինին մեզ համար, որովհետեւ նոքա պատահական չեն, այլ ունին պատճառներ, որոնք, եթէ խորը քննենք, մի առանձին լոյս կ' տարածեն ազգերի հասարակաց կեանքի վերայ:

Պսակների յաճախումը իմանալու համար, որպէս ես Ձեզ առաջ էլ յայտնեցի, կարելի է մի այլ տեսակ ցուցակ շինել. այնէ՝ համեմատելով պսակների թիւը ոչ թէ 15 տարեկանից վեր անձերի թւի հետ, այլ ամբողջ ազգաբնակութեան հետ. և ես աւելցրի, որ այս վերջին եղանակը այնքան նպատակայարմար չէ, որքան առաջինը. պատճառը Դուք արդէն գիտէք: Զնալած դորան, ես կը

բերեմ այսուեղ այդ եղանակով դուրս բերած մի ցուցակ, թողնելով յետու ասելու, թէ Հետաքրքրութեան ինչ կէտ կայ նորանում: Այս ցուցակը մենք փոխ ենք առնում իտալական վիճակագրութեան զեկավար Բօդիոլի մի աշխատանքից, միայն թէ մենք նորան ներկայացնում ենք այսուեղ ամփոփած ձևով:

Պսակների թիւը { 1865 թ. մինչ 1875 թ. տե-  
000 բնակիչների չափով. } գեկութիւնների համեմա-

|           |       |
|-----------|-------|
| Իրանդիա   | 5. 1  |
| Շվեյցարիա | 6. 6  |
| Շոտլանդիա | 7. 2  |
| Իտալիա    | 7. 5  |
| Բելգիա    | 7. 5  |
| Զուիցերիա | 7. 5  |
| Ֆրանսիա   | 8. 0  |
| Հոլանդիա  | 8. 2  |
| Անգլիա    | 8. 4  |
| Աւստրիա   | 8. 5  |
| Պըուսիա   | 8. 9  |
| Բաւարիա   | 9. 3  |
| Ունգարիա  | 10. 4 |

Ի՞նչ ենք հասկանում այդ ցուցակից: Այն, որ Եւրոպայում իւրաքանչիւր 1000 բնակիչների վրայ կատարվում են, նայած երկին, առ նուազը 5. 1 ամենաշատը և 10. 4 պսակներ, եթէ հաշուելու լինենք մի տասը տարիներ մէկը միւսի վրայ:

Եթէ ես այս ցուցակը առաջ բերի, այդ մի նպատակ ունէք. այն է, որ, գիտենալով պսակների թիւը մի երկում, մօտաւորապէս կարելի է հաշուել այդ երկրի ազգաբնակութեան թիւը: Ես՝ի նկատի ունիմ այսուեղ, ՚ի հարկէ, հայ ազգին, հայ ժողովուրդին, որի մասին ոչ Ռուսաստանում, ոչ Տաճկաստանում և ոչ Պարսկաստանում ճիշտ վիճակագրական տեղեկութիւններ կան: Կարելի

Ե ընդունել, որմեզ մօտ, ուր գործարանական կեանքը դեռ շատ քիչ է զարգացած, իսկ սովորութինները դեռ շատ թէ քիչ նահապետական են, պատակների յաճախումը այնքան լինէ, որքան Եւրոպայի ամենից շատ պըսակներ ցոյց տառղ երկիրներում։ Մենք կարծում ենք, որ մեր հոգեոր իշխանութիւնը շատ հեշտութեամբ կարող է մեր բոլոր քահանաներից պահանջել որ սոքա ամեն տարի իմացնեն գրաւորապէս հոգեոր իշխանութեան իրանցից կատարուած պատակների թիւը, հրատարակելով այդ ցուցակներից դուրս բերած ընդհանուր թւանշանները ամեն գիւղի և քաղաքի համար, մենք կարող կ'լինէինք նոցանից դուրս բերել մեզ հետաքրքրող և մեր ազգի համար ամենեին ոչ անտարբեր եզրակացութիւններ։ Ինչ խօսք կայ, որ մենք նոյն դիւրութեամբ կարող կ'լինէինք ձեռք բերել բոլոր ծնունդների և մահերի թւերը, որոնք դեռ ևս առաւել նշանաւոր են, քան պատակների թիւը։ Աւելցնենք, որ հրահանգներ տալուց առաջ՝ այդ եղորա նման խնդիրների վերաբերեալ, իշխանութիւնները, լինին սոքա մարմնաւոր թէ հոգեոր, պիտի նախ դիմեն քաղաքատնտես ստատեստիկոսների խորհուրդին։ Պէտքէ գիտենալ, թէ ինչ հարցեր և ինչպէս առաջարկել պատասխանելու, պէտք է իմանալ որոշել կարեւոր անկարեւորից։ Պատակների վերաբերեալ կան շատ ուրիշ հարցեր, որոնցով տնտեսագէտները և ստատիստիկոսները վաղուց արդէն զբաղվում են։ Մտնել այդ մանրամասնութիւնների մէջ այժմ չենք կարող. մենք կ'բաւականանք միայն նոցա հարեւանցօրէն լիշելով։ Եւ այսպէս, ուսումնասիրվում է, թէ արգեօք այլ և այլ երկիրներում և կամ միենոյն երկրի զանազան դարէշրջաններում որ չափով տղերք աղջիկների հետ են պատկում, որ չափով տղերք՝ ալրի կանանց հետ, ալրի մարդիկ՝ ալրի կա-

նանց հետ։ Այլ հարց՝ հինգ կամ տասը կամ աւելի տարիների ընթացքում միջին թւով քանի պրօցէնտ են կազմում պատկւղներ 20 տարեկանից պակաս, 20—30 տարեկան, 30—40, 40—50, 50—60 և 60 տարեկան հասակից վեր։ Հետազօտութիւններ են անվում և կամ կան արուած իրանալու համար, թէ այլ և այլ հասակի տղամարդիկ որքան տարբեր հասակի կանանց հետ են պատկում։ Այլ և այլ մեթօդներ են առաջարկուած գլունելու ծննդական բերութեան աստիճանները զանազան երկիրներում և կամ նոյն երկրի զանազան դարէշրջաններում։ Նմանապէս անտարբեր չէ գիտենալ, թէ մի երկրում պատկվողների թիւը ինչպէս է բաժանվում ամիսների վրայ, որ ամսում ամենից շատ են պատկում, որ ամիսներում ամենաքիչ։ Այս բոլորի մասին Դուք կ'գտնէք բաւականացուցիչ տեղեկութիւններ գլեթէ ամեն մի լաւ ստատիստիկական ձեռնարկի մէջ։ Այստեղ ես կարող եմ Զեղ միայն սրտանց խորհուրդ տալ գիմել գէպի այդ աղբիւրները։  
II. Այժմ դառնանք ծնունդների խնդրին և տեսնենք ծնունդների դրութիւնը այն երկիրներում, ուր խնդիրը ստատիստիկապէս հետազօտուած է, ուրեմն գլւխաւորապէս Եւրոպայի երկիրներում։ Ես այստեղ կրկնում եմ նոյնը, ինչ ասացի պատակների հարցի նկատմամբ։ Ես կ'տամ միայն անհրաժեշտը, ամենակարեւորը, բաւականանալով մնացեալի համար Զեղ միայն հաղորդել, թէ ինչ կողմերից ուսումնասիրուած է այդ հարցը, թէ ինչ կարող էք գտնել գրականութեան մէջ, եթէ Զեղ մէջ ցանկացողներ լինին դիմել գէպի նա։ Թոյլ տուէք ինձ, Տիկիններ և Պարոններ, Զեղ այս ասել—այդ խոստովանքը ինձ ոչինչ չէ նստում—որ այս դասախոսութիւնների նախագիծը կազմելիս իմ ջանքերը զլիստորապէս

գարձրած էին դէպի մի բան՝ ճաշակ պատրաստել մեր հասարակութեան մէջ քաղաքատնտեսական գիտութիւնը ուսումնասիրելու, հասարակաց երևոյթները դիտելու, հասարակաց և տնտեսական հարցերը գիտնական հետազոտութիւններից տուած հիմունքների տեսակէտից ճանաչելու, պարզելու համար; Ազգերի հասարակաց բարօրութեան վերաբերեալ հարցերը երբէք անպայման անսխալականութեամբ չեն լուծվում, ուգում եմ ասել՝ չեն լուծուած, ասածիս իսկութեանը կ'վկայէ քաղաքակրթութեան մէջ ամենից հռչակուած հին և նոր ազգերի անցեալը: Գիտութիւնը կարող էր անպայման ճիշտ կերպով լուծել կեանքի խնդիրները, եթէ միայն ոչ մի տարակոյս չկայանար նորանում, թէ ինչ է կեանքը, սորա վերջնական նպատակը: Քանի որ այդ մեծ խնդիրը վճռելու համար մեր մարդկային մտքի ուժերը չափազանց թուլ են, — գիտութիւնը կ'ներկայացնէ մեզ միայն յարաբերական, երբէք բացարձակ, աբսոլուտ ճշմարտութիւններ: Բայց յարաբերութեամբ ինչ բանի, դորանումն է հարցը: Ես կ'պատասխանեմ՝ յարաբերութեամբ այն գաղափարին, որ մենք ունինք առաջադիմութիւն ասած բանի վերայ: Կեանքի վերաբերեալ գիտութիւնները ուղղած են դէպի այն հարցերը, որոնց լուծումից մենք յառաջադիմութիւն ենք սպասում: Երթալ յարատե այդ շաւզով կարելի է միայն գործելով գիտակցաբար, որովհետեւ յառաջադիմութեան շափողը մեզ պատրաստի չտուած, այլ մենք նորան գեռ պիտի որոնենք: Եւ ինչ միջոցներով. գիտութիւնների միջոցով, որովհետեւ միայն գիտութեան միջոցով մենք կարող ենք մի պատճառի հեռաւոր հետեւանքները ճանաչել. բայց մենք կարող ենք մեր իդէալին համեմատ մօտաւոր կամ հեռաւոր ապագալի համար մի բան ցանկանալ, որ կատարուի. մեզ կը

մնայ ներկայիս համար ուրեմն գործել այնպէս, որ սա պատճառ լինի մեր ցանկացածի կատարուելուն: Գիտութիւնը այդ պատճառով անհրաժեշտ է, թէ յառաջադիմութեան համապատասխան իդէալ կազմելու և թէ այդ իդէալը իրականացնելու համար պատշաճաւոր միջոցներ որոնելու և կեանքին ուղղութիւն տալու համար: Զգտենք ուրեմն ճանաչել կեանքը իւր բազմակողմանի արտակայտութիւններով և չմոռանանք, որ բոլոր գիտութիւններից քաղաքատնտեսութիւնը ամենակարեւոր և ամենահիմնականն է այդ նպատակին հասնելու համար:

Ծնունդների յաճախութիւնը մի երկրում, խօսք չը կայ, կախուած է այդ երկրի բնակիչների ծննդական բերութիւնից. և մենք ասացինք վերը, որ բերրութիւնը, նայած ազգին և ցեղին, զանազան երկիրներում զանազան է լինում: Բայց բերրութիւնը իմանալու համար մենք հաշուի մէջ ենք գցում միայն պսակների թիւը և ծնուած երեխաների թիւը, համեմատում ենք նոցաիրար հետ և տեսնում, թէ մի պսակի վրայ զանազան երկիրներում և կամ միւնոյն երկրում, բայց զանազան գարեջրաններում որքան երեխաներ են ընկնում: Այդ հաշիւը անելու համար մի քանի մեթօդներ են գործ գնուում: Առաջի և սովորական եղանակը այն է՝ որ տարիների մի շարքի համար, օրինակ, հինգ տարիների համար, համեմատում են պսակների թիւը նոյն հինգ տարիներում ծնուած երեխաների թիւի հետ. և այդ հանգամանքում սովորաբար վերցնում են միայն օրինապէս պսակուածների և օրինապէս ծնուածների թիւը: Մի ստատիստիկական ցուցակ, որը շինուած է այդ մեթօդով բայց ուր չէ ասուած, թէ որ և որքան տարիների են վերաբերում գտած թւերը, և հրատարակուած 1872 թւ-

ւին, հետևեալ կերպով է գասում Եւրոպակի դանագան  
Երկիրները բերրութեան նկատմամբ:

Մշշին թիւ Երեխաների մի պսակի համար:

|           |       |             |       |
|-----------|-------|-------------|-------|
| Իրանդիա   | 4. 82 | Շոտլանդիա   | 4. 51 |
| Իռալիա    | 4. 79 | Վիլտոնիքերգ | 4. 35 |
| Յունաստան | 4. 73 | Ունգարիա    | 4. 31 |
| Ռուսիա    | 4. 72 | Եվեցիա      | 4. 30 |
| Իսպանիա   | 4. 52 | Նորվեգիա    | 4. 29 |
| Հոլլանդիա | 4. 12 | Սաքսոնիա    | 3. 85 |
| Պրուսիա   | 4. 11 | Դանիա       | 3. 73 |
| Անգլիա    | 3. 95 | Բաւարիա     | 3. 29 |
| Բելգիա    | 3. 93 | Ֆրանսիա     | 3. 07 |
| Աւստրիա   | 3. 92 |             |       |

Այդ ցուցակի համեմատ, այն Երկիրները, ուր պըսակները ամենից շատ պտղաբեր են, Իրանդիան է, Իտալիան, Յունաստանը, Ռուսիան և այլն, իսկ ուր նոքաւելի նուազ պտղաբեր են, այդ Բաւարիայումն է և մանաւանդ՝ Ֆրանսիայում:—Համեմատ մի այլ ցուցակի, որը կազմել է Բերտիլիոնը 1861—65 թւականների համար, հետեւանքները գրեթէ նոյնն են, ինչ մենք վերը տեսանք. այդ ցուցակում ամենից առաջ գալիս են՝ Ռուսիան, Իսպանիան, Իտալիան, իսկ շարքի վերջը գալիս են Դանիան, Բաւարիան և Ֆրանսիան: Միւսները բունում են դոցած:

Ծննդական բերրութիւնը իմանալու համար գործ են ածում նաև մի այլ մեթօդ՝ մի շարք տարիներում ծնուածների թիւը համեմատում են 15-ից մինչ 45 տարեկան պսակուած կանանց թիւի հետ: Այդ մեթօդով վարուած, Բերտիլիոնը գտաւ, որ 15-ից մինչ 45 տարեկան

հասակի ամեն 100 կանանց վրայ ընկնում են՝ Փրանսիայում՝ 20. 67, Երեխաներ, Փարիզում միայն 14. 56, Անգլիայում 30. 02, Հոլանդիայում 34. 2, Դանիայում 32. 15:

Եթէ ծնունդների թիւը կախում ունէ պսակների բերրութիւնից, այդ սակայն չ'պիտի այնպէս հասկանալ, թէ ծնունդների լաճախութիւն ասելով, մենք իբր պսակների բերրութիւն ենք հասկանում: Ոչ. քաղաքատնտեսին հարկաւոր է իմանալ ոչ այնքան բերրութեան աստիճանը, որքան այն, թէ մի երկրում ծնուածների թիւը որ մասն է կազմում ամբողջ ազգաբնակութեան: Դուք դեռ կը տեսնէք, Տիկիններ և Պարուններ, թէ ինչու այդ բանի իմանալը կարեւոր է. այստեղ միայն թոյլ տուէք նկատել, որ եթէ մի երկրում բերրութիւնը դիցուք կրկնապատիկ աւելի է, քանի մի այլ առաջնի չափ հաւասար բնակիչներ ունեցող երկրում, այդ դեռ չէ նշանակում, թէ առաջնում տարեկան երկու անգամ աւելի Երեխաներ են ծնվում, քան երկրորդում: Պատճառը պարզ է. ուր բերրութիւնը մեծ է, կարելի է, որ պսակների թիւը աւելի սակաւ է, քան մի այլ երկրում:

Ծնունդների լաճախութիւնը իմանալու համար, բաժանում են ազգաբնակութեան թիւը ծնուած Երեխաների թիւ վերայ, և կամ աւելի լաւ, հաշվում են, թէ 100 բնակիչների վերայ որքան ծնունդներ են ընկնում. դորանով մենք իմանում ենք, թէ ծնունդների թիւը ազգաբնակութեան որ պլրոցէնտն է կազմում: Երբ այդ իմացանք մի շարք տարիների համար, այն ժամանակ դժուար չի լինի միջին թիւ դուրս բերել: Զգուշութեան համար այստեղ ևեթ յալտնենք որ այս ցուցակի մէջ, որ պիտի շուտով հետևի, մեռած ծնուածները չեն հաջուած: Այս ցուցակը պատկանում է ստատիստիկոս Բոդիօին:

## 100 բնակիչների վրայ ծնուածների թիւք:

|                |         |            |           |         |          |
|----------------|---------|------------|-----------|---------|----------|
| Ֆրանսիա,       | Իտալիա, | Շվեյցարիա, | Գումարիա, | Վելդիա, | Շոտլանդ. |
| 1865 2. 65     | 2. 59   | 2. 62      | "         | 3. 18   | 3. 55    |
| 1866 2. 64     | 2. 65   | 2. 66      | "         | 3. 27   | 3. 53    |
| 1867 2. 64     | 2. 63   | 2. 49      | "         | 3. 21   | 3. 51    |
| 1868 2. 57     | 2. 67   | 2. 23      | "         | 3. 15   | 3. 53    |
| 1869 2. 57     | 2. 67   | 2. 30      | "         | 3. 16   | 3. 43    |
| 1870 2. 55     | 2. 77   | 2. 32      | 2. 98     | 3. 23   | 3. 45    |
| 1871 2. 26     | 2. 81   | 2. 02      | 2. 90     | 3. 10   | 3. 44    |
| 1872 2. 68     | 2. 78   | 2. 98      | 2. 98     | 3. 23   | 3. 49    |
| 1873 2. 61     | 2. 71   | 2. 06      | 2. 97     | 3. 24   | 3. 48    |
| 1874 2. 62     | 2. 66   | 3. 07      | 3. 00     | 3. 26   | 3. 57    |
| 1875 2. 60     | 2. 61   | 3. 10      | 3. 19     | 3. 25   | 3. 56    |
| 11 տար.        |         |            |           |         |          |
| միջն.թիւ 2. 58 | 2. 69   | 2. 71      | 3. 01     | 3. 20   | 3. 50    |
| 3. 54          | 3. 59   | 3. 83      | 3. 91     | 3. 77   | 3. 69    |
| 3. 52          | 3. 53   | 3. 87      | 3. 96     | 3. 79   | 3. 73    |
| 3. 54          | 3. 52   | 3. 66      | 3. 69     | 3. 71   | 3. 76    |
| 3. 58          | 3. 48   | 3. 53      | 3. 67     | 3. 78   | 3. 76    |
| 3. 48          | 3. 39   | 3. 70      | 3. 77     | 8. 93   | 3. 82    |
| 3. 52          | 3. 59   | 3. 67      | 3. 81     | 3. 96   | 4. 01    |
| 3. 50          | 3. 53   | 3. 70      | 3. 37     | 3. 89   | 3. 64    |
| 3. 58          | 3. 58   | 3. 78      | 3. 97     | 3. 97   | 3. 97    |
| 3. 55          | 3. 60   | 3. 63      | 3. 97     | 3. 95   | 4. 08    |
| 3. 61          | 3. 61   | 3. 50      | 4. 00     | 3. 61   | 4. 09    |
| 3. 55          | 2. 63   | 3. 79      | 4. 03     | 3. 94   | 4. 16    |
| 3. 54          | 3. 55   | 3. 70      | 3. 83     | 3. 86   | 3. 91    |
|                |         |            |           |         | 4. 13    |

Այդպիսով Գուգ տեսնում էք, որ տասնեւմէկ տարիների միջին հաշւով, Երկրպալի այն Երկիրները, ուր, բնակիչների թւի համեմատ, ամենից շատ թւով Երեխաներ են ծնվում, են Ունգարիա, լետոյ Բաւարիա, Պրուսիա, Իտալիա, Հոլլանդիա, Անգլիա, Շվեյցարիա, Բէլգիա, Զուլիցերիա և լետոյ միայն Շվեյցար և վերջապէս ամենաքիչ թւով ծնվում են Ֆրանսիայում: Այդ թւերը Ձեզ ներկայացնելու նպատակը, ՚ի հարկէ, այն չէ, որ Գուգ

իմանաք, որ Երկրում ողքան ծնունդներ են լինում. այդ տեղեկութիւնները կարող են Ձեզ նաև չհետաքըքրել, եթէ երբէք կարելի է այդ տեսակ տեղեկութիւնների գիմաց անտարբեր մնալ. միայն թէ ամենաօգտակարը այստեղ այն եղրակացութիւններն են, որոնց տեղի են տալիս բերած թւերը: Այդ թւանշաններից մենք նախ եղրակացնում ենք, որ ծնունդների թիւը, միևնույն Երկրում, տարիների ընթացքում, մեծ մասամբ, շատ աննշան կերպով է փոխվում, մասնաւոնդ եթէ մի պատճեազմ կամ գորա նման մի խոչընդուռ չէ խանգարում ազգերի խաղող կեանքը: Երկրորդ, ես Ձեր ուշադրութիւնն եմ դարձնում այն հանգամանքի վերալ, որ Երկիր Երկրի մէջ ծնունդների յարաբերական յաճախումը Երեւմն, շատ տարբերվում է, և իսկապէս տեսէք ինչ մեծ գանագանութիւն կալ այդ բանում Ֆրանսիայի և Ունգարիայի կամ նոյն իսկ Բաւարիայի մէջ, մինչդեռ 10,000 բնակիչների վրայ Ֆրանսիայում ծնվում են միայն 258 Երեխաներ, Ունգարիայում ծնվում են արդէն 413, և Բաւարիայում 391, Պրուսիայում 383 Երեխաներ: Բայց այդ ցուցակը մեզ միևնույն ժամանակ իմանալ է տալիս, թէ մօտաւորապէս ինչ սահմանների մէջ մենք պէտք է Երեակալենք մեզ ծնունդների յաճախութիւնը մի որևէ իցերկրում առհասարակ և մի քաղաքքում կամ գիւղում առանձնապէս, եթէ մեզ յալտնի է այս վերջինների բնակիչների թիւը: Մի նշանաւոր Երեսոյթ, որը նկատուած է ծնունդների յաճախութեան մէջ, այդ այն է, որ Եթէ վերցնելու լինենք տարիների մի Երկար շարք և հաշուենք իւրաքանչիւր հինգ կամ տասը տարիների պրօցէնտական ծնունդները, կտեսնենք, գոնէ Երկրպալի շատ Երկիրների համար, որ այդ պրօցէնտը, քանի գնում, այնքան նուազում է: Մենք բաւականանում ենք, այդ հաստա-

տելու համար, հետևեալ թւանշանները առաջ բերելով։ Մենք ունենք բոլոր ֆրանսիական ծնունդների ցուցակը սկսած 1815 թւից մինչ այս օրերս. այդ ցուցակից դուրս է գալիս, որ 1815 թւից մինչ 1820 թիւը ազգաբնակութեան ամեն մի 100 հոգու վրայ ընկնում էին 3. 19 ծնունդներ, հետևեալ ասսը տարիներում 3. 10 ծնունդներ միայն, հետևեալ 1830—35 տարիներում՝ 2. 96, յետոյ միւս հինգ տարիների շրջանների համար մինչ 1865 թւականը՝ 2. 84, 2. 81, 2. 67, 2. 61, 2. 65 և 2. 66։ Այդ երեսոյթի պատճառը գլխաւորապէս պէտք է որոնել նորա մէջ, որ նոյն ժամանակամիջոցում պսակների լարաբերական թիւը սակաւացել է։

Ծնունդների հարցը ուսումնասիրուած է նաև մի քանի ալլ կողմերից. օրինակ, թէ զանազան երկիրներում երկորեակները որքան յաճախ են պատահում։ Բայց այդ մի հարց է, որը բժիշկներին հետաքրքրել կարող է. քաղաքատնտեսի համար այդ հարցը կարևորութիւն չունէ։ Մեզ համար դորանից շատ աւելի կարևորութիւն ունէ այն հարցը, թէ արդեօք բոլոր ծնունդների մէջ ինչ քանակութեամբ տղաներ և որքան աղջիկներ են պատահում։ Դուք գուցէ զարմանաք այդ հարցի վերալ. միթէ, կ'ասէք Դուք, այդ ուսումնասիրելու բան է. միթէ տըղաների և աղջիկների մէջ մի որեւիցէ քանակական լարաբերութիւն կայ։ Ալո՛, մենք Ձեզ հետ միասին զարմանում ենք և զարմանում ենք միայն այն պատճառով, որ այդ յարաբերութիւնը կայ, բայց մեկնել այդ երեսոյթը գիտութիւնը դեռ չէ կարողացել։ Արդ, այդ հաստատուած մի բան է, որ բոլոր ծնունդների մէջ, որ մի երկրում պատահում են, արական և իգական սեռերը գրելեն հաւասր կերպով են մասնակցում։ Բայց այդ դեռ բոլորը չէ. ևս ասացի «գրեթէ», իսկ այդ բառի տակ մի մեծ խորհուրդ

է ծածկուած։ Բոլոր այն երկիրներում, որոնք վիճակագրուած են, աղաներ մի փոքր աւելի մեծ քանակութեամբ են ծնվում, քան աղջիկներ, այն է, 100 աղջիկ-ծնունդների վրայ ընկնում են մօտաւորապէս 105 տղալ-ծընունդներ։ Այս իրողութիւնը շատ հետաքրքիր և նըշանաւորէ, որպէս զի ես վստահ լինիմ Ձեր թուլաւութեան վերայ ներկայացնել Ձեզ այս ցուցակը, չ'նայած արա երկարութեան։ Այս ցուցակը կազմուած է համեմատ այն վիճակագրական թւերի, որոնք հաւաքուած են 1861 մինչ 1865 թւականները. նա ներկայացնում է, սրբեմն, հինգ շարունակ տարիների հետևեանք և տպուած է այն հրատարակութեան մէջ, որը կրում է «Ֆրանսիալի պաշտօնական վիճակագրութիւն» վերնագիրը։ Երկիրները այդտեղ դասաւորուած են ըստ տղաների նուազւող քանակութեան։

Այն 100 աղջիկների գիմաց ծնուեցին տղաներ (կենդանի ծնուած երեխաներ, և օրինաւոր ու ապօրինիները միասին առած)։

|           |         |
|-----------|---------|
| Խսպանիա   | 106. 56 |
| Խտալիա    | 106. 43 |
| Աւստրիա   | 106. 32 |
| Ռւնդարիա  | 105. 85 |
| Նորվեգիա  | 105. 76 |
| Հուանդիա  | 105. 76 |
| Բաւարիա   | 105. 58 |
| Իրլանդիա  | 105. 51 |
| Շոտլանդիա | 105. 45 |
| Բելգիա    | 105. 42 |
| Ֆրանսիա   | 105. 13 |
| Դանիա     | 105. 12 |
| Սաքսոնիա  | 105. 08 |
| Պրուսիա   | 105. 02 |

|             |         |
|-------------|---------|
| Հիմքիա      | 104. 73 |
| Չուցերելս   | 104. 50 |
| Ռուսիա      | 104. 43 |
| Անգլիա      | 104. 32 |
| Վիւրտեմբերգ | 104. 02 |

Նմանօրինակ թւանշաններ ենք ստանում, երբ աչքի ենք առնում վիճակագրութիւնները 1865-ից մինչ 1875: Ուրեմն, տղաներ քիչ աւելի են ծնվում, քան աղջիկներ: Թրանից գեռ չպէտք է իսկոյն եզրակացնել, թէ նոյն երկիրներում արական սեռի մարդիկ աւելի են, քան իգական: Այդ սխալ կլինէր, ընդհակառակը, իգական սեռի ազգաբնակութիւնը միշտ մի փոքր աւելի է արականից և գորա պատճառը այն է, որ, ինչպէս այդ ներքեւ գեռ կ'հաստատուի, տղալ երեխանները աւելի են մեռնում, քան աղջիկներ. այնպէս որ շուտով տղաների և աղջիկների թւերը հաւասարվում են և մինչև անգամ մի յատնի հասակից լետոյ, իգականները թըւով գեռ մի փոքր գերազանցում են արականներից. նըշանակում է, որ մատաղ հասակում տղաներ աւելի են, հասակաւրների մէջ՝ կանայք աւելի են, քան տղամարդիկ և այդ յարաբերութիւնները այն տեսակի են, որ ընդհանուր առմամբ իգականները 10,000 ազգաբնակութեան վերայ նայած երկիրն մօտ 30-ից մինչ 150 հոգով տղամդելից արգերազանցում են:

Հասարակական տեսակէտից մեծ կարևորութիւն ունէ նաև այն հարցը, թէ ծնունդների թւի մէջ որ մասն են կազմում օրինաւոր պսակներից ծնուած զաւակները և որ մասը՝ ապօրինի զաւակները: Կասկած չկայ, որ ապօրինի զաւակների յաճախութեան աստիճանը սերտ կերպով կապուած է մի ազգի բարոյական կրթութեան աստիճանից, հասարակաց բարք ու վարքի եղանակից,

տնտեսական դրութիւննից և, վերջապէս, մի երկրում իշխող պսակի օրէնքներից: Պատճառները այսպէս բաղադրվում են հարզ կայ ասելու, որ ապօրինի գաւակները ամենից լաճախ են պատահում մեծ քաղաքներում և նոյնքան յաճախ, որքան կեանքը այնտեղ բազարեալ է, հեռու նահապետական պարզութիւննից: Այնպէս որ, եթէ ասելու լինենք, թէ 1865 մինչ 1875 թիւը միջին թւով ֆրանսիայում ամեն մի 100 ծնուածներից 7. 41 (որ նոյնն է թէ 10,000-ից 741) ապօրինի զաւակներ են եղել, Դուքք պիտի և այս գիտենաք, որ Փարիզում, հենց նոյն իսկ անցեալ տարի, 1882 թւին, ծնուել են ընդամենը 62,581 երեխաններ, որոնցից 16,522, ուրեմն ոչ 7. 41 այլ գեռ աւելի քան 25% ապօրինի: Բայց այն երկիրը, որը, ընդհանուր առմամբ, ամենից շատ ապօրինի զաւակներ է տախիս, այդ բաւարիան է, ուր նոքա 1865—75 միջին թւով բոլոր ծընունդների 10. 86 պրօցէնտով կազմեցին. լետոյ գալիս է Աւստրիան 13. 30 պրօցէնտով, Նվեցիան 10. 40%, Պրուսիան 7. 79%, Ֆրանսիան, որպէս վերը լիշեցի, 7. 41%, Ռւսակարիան 7. 08%, Բելգիան 7. 05%, և լետոյ միայն Իտալիան 6. 28 պրօցէնտով, Անգլիան 5. 71%, Զուիցերիան միայն 4. 76 պրօցէնտով:

Ստատիստիկունները հետաքրքրուել են նաև որոշելու, թէ ինչպէս են հետեւում ամիսները ըստ ծնունդների յաճախութեան և գտել, որ և այդ գիպուածում զանգան երկիրներ իրարից զգալի կերպով չեն սարբերվում: Սակայն մենք պիտի շտապենք և խօսենք մահացութեան մասին, որ ազգաբնակչական խնդիրներում մի մեծ տեղ է բռնում:

III. Մահացութեան վերաբերեալ հետազոտած և հետազոտելու զիմաւոր կէտերը սոքա են՝ մի ամբողջ շարք

տարիների համար միջին թւով մահացութիւնը որ մասն է կազմում մի երկրի ազգաբնակութեան. տարիների ընթացքում մահացութիւնը յարաբերապէս, այսինքն պրօցէնտով հաշուած, մի երկրում աւելանում է թէ նուպում. մահացութիւնը որքանով աւելի կամ պակաս է նոյն երկրի տարեկան ծնունդների թւեց. երկիր երկրի հետ համեմատած, մահացութիւնը որքանով է իրարից զանագանվում, մահի պատեհները որքան են ըստ մարդկանց հասակներին և նայած անձերի քաղաքալին դիրքին, այսինքն պսակուածների համար և չ'պսակուած հասակաւոր անձերի համար. որքան է մահացութիւնը արականների և իգականների մօտ, որքան է մահացութիւնը քաղաքներում և որքան գիւղերում. ինչ զանազանութիւն է նկատվում մահացութեան մէջ նայած մարդկանց արհեստներին և այլն: Մենք կ'աշխատենք այդ հարցերին այն չափով պատասխանել, որքան այդ թոյլ կ'տայ մեր այս դասախոսութեան մէջ ընդունած մեթօդը:

Թէ որքան է մահացութիւնը Եւրոպայի զանազան երկիրներում և միևնոյն երկրում, բայց մի շարք տարիներում, ցոյց է տալիս հետևեալ ցուցակը:

Մահացութիւնը յարաբերութեամբ դէպէ ազգաբնակութիւնը, հաշուած 100 հոգու վրայ:

| Տարիները: | Իրաանդեա, | Եվեցիա, | Անգլիա, | Շոտլանդ, | Բելգիա, | Գուեցեր. |
|-----------|-----------|---------|---------|----------|---------|----------|
| 1865      | 1. 67     | 1. 92   | 2. 32   | 2. 22    | 2. 45   | "        |
| 1866      | 1. 69     | 1. 98   | 2. 34   | 1. 21    | 3. 13   | "        |
| 1867      | 1. 71     | 1. 96   | 2. 17   | 2. 12    | 2. 15   | "        |
| 1868      | 1. 59     | 2. 70   | 2. 19   | 2. 11    | 2. 16   | "        |
| 1869      | 1. 64     | 2. 23   | 2. 23   | 2. 29    | 2. 18   | "        |
| 1870      | 1. 67     | 1. 97   | 2. 29   | 2. 21    | 2. 32   | 2. 85    |
| 1871      | 1. 64     | 1. 71   | 2. 26   | 2. 21    | 2. 85   | 2. 76    |
| 1872      | 1. 82     | 1. 62   | 2. 13   | 2. 22    | 2. 32   | 2. 22    |
| 1873      | 1. 83     | 1. 71   | 2. 11   | 2. 24    | 2. 14   | 2. 27    |
| 1874      | 1. 73     | 2. 04   | 2. 23   | 2. 23    | 2. 05   | 2. 23    |
| 1875      | 1. 85     | 2. 03   | 2. 28   | 2. 34    | 2. 27   | 2. 40    |
| Միջն հաշ- | 1. 71     | 1. 99   | 2. 23   | 2. 23    | 2. 37   | 2. 41    |
| ռով       |           |         |         |          |         |          |

| Ձքանսիա, | Հոլլանդ. | Պրուսիա, | Իտալիա, | Բաւարիա, | Ավստրիա. | Անգլ. |
|----------|----------|----------|---------|----------|----------|-------|
| 2. 43    | 2. 58    | 2. 68    | 2. 98   | 3. 07    | 3. 03    | 2. 92 |
| 2. 12    | 2. 86    | 2. 35    | 2. 90   | 3. 02    | 4. 08    | 3. 80 |
| 2. 27    | 2. 36    | 2. 66    | 3. 42   | 2. 92    | 2. 93    | 3. 28 |
| 2. 36    | 2. 48    | 2. 73    | 3. 05   | 3. 05    | 2. 85    | 3. 30 |
| 2. 34    | 2. 31    | 2. 57    | 2. 77   | 3. 14    | 2. 89    | 3. 12 |
| 2. 83    | 2. 57    | 2. 60    | 2. 98   | 3. 12    | 2. 64    | 3. 25 |
| 2. 48    | 2. 94    | 2. 83    | 3. 00   | 3. 40    | 3. 00    | 3. 89 |
| 2. 20    | 2. 57    | 2. 92    | 3. 05   | 3. 11    | 3. 27    | 4. 22 |
| 2. 33    | 2. 40    | 2. 79    | 3. 00   | 3. 15    | 3. 87    | 6. 51 |
| 2. 12    | 2. 26    | 2. 56    | 3. 03   | 3. 10    | 3. 13    | 4. 26 |
| 2. 31    | 2. 56    | 2. 64    | 3. 07   | 3. 14    | 2. 96    | "     |
| 2. 44    | 2. 53    | 2. 75    | 3. 02   | 3. 11    | 3. 18    | 3. 15 |

Ես չեմ կասկածում, Տիկիններ և Պարոններ, որ Դուք կարող էք կարդալ այդ թւանշանները, միայն թէ ընթերցանութիւնը հեշտացնելու համար ես կ'աւելացնեմ մի երկու խօսք, թէ ինչպէս են գտնվում նոքա: Վերցնենք օրինակ Բելգիան: Դուք տեսնում էք, որ այդ անունի տակը, երկրորդ շարքում, այսինքն 1866 թուականի համար, գրած է Յ. 13: Ի՞նչպէս է գտնուած այդ թւանշանը: Այս ինչպէս: Այդ թւականին, 1866-ին, Բելգիան ունէր 4,827,833 բնակիչներ. իսկ այդ նոյն տարուայ մէջ մեռածների թիւը էր 151,118. այդ նշանակում է, որ տասը հազարնակիչների հաշուած, Բելգիայում այդ թւին մեռած են 313 անձեր 1000 բնակիչների հաշուած՝ Յ. 3. իսկ 100 բնակիչների հաշուած՝  $3^{13}/100$  անձեր: Այդ կոտորակների վերայ, Դուք չ'պիտի զարմանաք. խօսք չ'կայ, որ մի անձ չէ կարող  $13/100$  երորդական չափով մեռնել. բայց ստատիստիկայի մէջ ընդունուած է հասարակ թւեր դուրս բերել, որպէս զի համեմատութիւնները հեշտանան: Աչքի համար, աւելի հետ է համեմատել Յ. 13 և 2. 45 քան թէ 313և 245:

Վերի ցուցակի մէջ ես դասնաւորել եմ երկիրները  
ըստ մահացութեան աճող աստիճանների, որպէս զի  
հեշտութեամբ կարողանաք տեսնել, թէ որ երկիրը ամե-  
նից քիչ մահացութիւն ունէ, որը՝ աւելի շատ և ալին:  
Եթէ Դուք Ձեզ նեղութիւն տալու լինէք համեմատել  
մահացութեան այդ ցուցակը ծնունդների այն ցուցակի  
հետ, որը ես Ձեզ առաջ ներկայացրեցի, Դուք կ'գտնեք  
շատ հետաքրքիր բաներ: Նախ Դուք կ'գտնեք, որ, իւ-  
րաքանչիւր երկիր իւր համար վերցրած, մահացութիւնը  
աւելի նուազ է քան ծնունդների թիւը. բայց այդ մի  
կէտ է, որին լետոյ վերագտունալու դեռ առիթ սիստի  
ունենանք: Երկրորդ, Դուք կ'նկատէք, որ այն երկիրները,  
որոնք ամենից քիչ ծնունդներ ունեն, նորա և ընդհան-  
րապէս աւելի սակաւ մահացութիւն ունեն և, ընդհա-  
կառակը, ամենից շատ ծնունդներ ունեցող երկիրը ընդ-  
հանրապէս ամենից էլ շատ մահացութիւն ունէ: Եւ ա-  
ռաջինը և այս երկրորդ երկութը մի ազգի աճելութեան  
աստիճանի վրայ ազգեցութիւն ունեն. բայց դորա մա-  
սին դեռ ներքեւ պիտի խօսենք: Ընդհանուր մահացու-  
թիւնը, որը մենք ներկայացրինք վերը բերած ցուցակի  
մէջ, դեռ այնքան հետաքրքիր չէ, որքան նորա մանրա.  
մասնութիւնները, որոնցից մէկը այն է, թէ ինչպէս են  
մասնակցում մահացութեան մէջ արական և իգական սե-  
ռերը: Յայտնելով, քիչ առաջ, որ տղերք աւելի են  
ծնվում, քան աղջիկներ, մենք սասացինք, որ տղ-  
երքը աւելի են մեռնում քան աղջիկները և խոսա-  
ցանք ապացուց բերել իւր տեղում, որը ահա. 1865 մինչ  
1875 տարիների միջին թւերը ցոյց են տալիս, որ 100  
իգական սեռի մահերի դիմաց հաշւում են ֆրանսիայում,  
Բաւարիայում և Աւստրիայում՝ 107 մահեր արական սե-  
ռի անձերի. Իտալիայում, Անգլիայում, Բելգիայում՝ 106.

Զուբցերիայում՝ 106. 5, Հոլլանտիայում և Շվեցիայում՝  
104, Պրուսիայում և Ունգարիայում՝ 108 արական մահեր:  
Մենք ալսուել մտագիր ենք գագարեցնել մեծաքա-  
նակ թւանշաններ բերելը մահացութեան այլ երևոյթ-  
ները պարզելու և ապացուցանելու համար, որովհետեւ  
աններելի չէ մտածել, որ մեր հասարակութիւնը գեռ չէ  
վարժուած թւանշաններ կարդալու մէջ. թէպէտե, ըստ  
իս, ոչինչ չէ կարսդ այնքան ոյժով մարդու ուշադրու-  
թիւնը գրաւել, որքան թւանշանները, երբ սոքա մտքեր,  
ճշմարտութիւններ են յալտնում, մանաւանդ երբ այդ  
մտքերը հասարակաց և մեր սրտի ամենամօտ խնդիրնե-  
րին են վերաբերում: \*) Մենք կ'բաւականանք այլ կէ-  
տերին վերաբերեալ, ուրեմն, միայն այս ընդհանուր եզ-  
րակացութիւնները յայտնելով, որ, 100 մահերից, նայած  
երկրին, առնուազը մօտ 25 մինչ 40 և երբեմն մինչ 50-ը  
ընկնում են մանր, այն է մինչ 5 տարեկան հասակի ե-  
րեխաների վերայ. իսկ ընդհանրապէս, մինչ հինգ տարե-  
կան հասակի երեխաների մահացութիւնը մի երկում ե-  
ղած տարեկան բոլոր մահերի երրորդ մասից աւելի է  
կազմում: Ձեզ եմ թողնում, Տիկիններ և Պարոններ, ըս-  
տատիստիկական այդ եզրակացութիւնների ճարտարու-  
թիւնը հասկանալ. իսկ իմ գործս թող լինի միայն և  
այս աւելցնել, որ այն զարհութելի կոտորածը, որը եշ-  
խում է մինչ հինգ տարեկան հասակի երեխաների մէջ,  
ամենից, ալո՛, անհամեմատ աւելի մեծ քանակութեամբ  
հարուածում է մինչ մի տարեկան հասակի երեխաներին:

Այս հարցը բազմիցս հետաքրքրել է բանակը ներին  
և գիտնականներին, թէ արգեօք ինչ պէտք է մտածել

\*) Թող այս աշխատութիւնը մի երկրորդ տպագրութեան բար-  
դին արժանանայ, և մենք խոստանում ենք շատ աւելի լիակատար  
մնել:

այն փաստի դիմաց, որ անպսակ անձերի մէջ մահացաւթիւնը աւելի է տիրում, քան պսակուածների մէջ։ Այս հարցով ամենից շատ հետաքրքրվողներ եղել են բժիշկների շրջաններսամ. բայց բժիշկ-գրողները, նոյն իսկ սոցանից ամենանշանաւորները, այդ խնդիրը քննելիս, շատ սահմանափակ կերպով իրանց դրել են բժշկականութեան, առողջապահական տեսակէտի վրայ, այնպէս որ վերը լիշած փաստից նոքա շինել են աւելի քարոզի մի միջոց, քան բազմակողմանի ուսումնասիրութեան առարկայ։ Բայց այսպէս կամ այնպէս, պէտք է ասած, որ այդ երևոյթի մասին գրածները և յայտնած կարծիքները քիչ կամ ոչինչ դրական չեն պարունակում իրանց մէջ։

IV. Տիկիններ և Պարոններ, մենք աշխատեցինք ծանօթանալ մի քանի նշանաւոր երևոյթների հետ, որպէս են պսակները, ծնունդները և մահացութիւնը և սոցամանրամասնութիւնների հետ այն տեսակէտը, որ ազգաբնակութեան ուսման համար կարևոր է, այնէ՛ քանակական տեսակէտից. և այդ ծանօթութիւնը կատարուեց այն երկիրների հետ, որոնք ուսումնասիրութեան համար դրական նիւթեր են առաջարկում մեզ։ Բայց վերցնելով դրական տեղեկութիւնները եւրոպական ազգերի կեսնքից, մենք ուգեցինք մի և նոյն ժամանակ ցոյց տալ այն մեթօդը, որով պէտք է ուսումնասիրուեն ամեն մի ուրիշ երկրի ազգաբնակչական երևոյթները։ Բայց ազգաբնակչական երևոյթների ուսումնասիրութիւնը մենք դեռ չ'վերջացրինք. մեզ դեռ մի բան է մնում իմանալու, թէ արդեօք այն բոլոր երևոյթները, որոնց հետ մենք ծանօթացանք, ինչպէս են ազգում մի երկրի ազգաբնակութեան մեծութեան վերայ։ Պսակների որքանութիւնից և պսակների բերրութիւնից կախուած է մի երկրի մէջ եղած և լինելու ծնունդների որքանութիւնը,

իսկ մահերի որքանութիւնից կախուած է այն բանը, թէ արդեօք ազգաբնակութիւնը կազմող անձերի թիւը աճում է, թէ նուազում. իսկ տարեցտարի և դարեցդար աճելուց կախուած է մի ազգի, մի երկրի ազգաբնակութեան մեծութիւնը. և, վերջապէս, մի երկրի ազգաբնակութեան մեծութիւնից կախուած է այդ երկրի ազգաբնակութեան խտութիւնը, այսինքն այն՝ թէ, երկրի հողի մեծութեան համեմատ, մարդիկ որ աստիճանի խիտ են բնակուած։ Իսկ ազգաբնակութեան խտութիւնը ամենազգին նշանակութիւն ունեցող հանդամանքներից մէկն է քաղաքատնտեսի համար։ Որքան խիտ է բնակեցրած մի երկիր, նոյնքան մեծ նեղութիւն է կրում ժողովուրդը ապրելու համար, որովհետև հողը այնքան քիչ քաւականութիւն է տալիս նորա պահանջներին. այդ նեղութիւնը դրգում է ազգերին գէպի երկրագործական, տեխնիկական կատարելագործութիւններ և ստիպում է նորան ունենալ առևտրական լարարերութիւններ արտասահմանի հետ. նոյն հանդամանքը մզում է ազգերին գէպի արհեստներ, որոնք աւելի ձեռնտու են դառնում քան երկրագործութիւնը, որով ամբողջ ազգը զբաղուել այլ ևս չէ կարող։ Ազգաբնակութեան խտութիւնը այդպիսով փոփոխել է տալիս հողային սեպհականութեան ձեւերը, իսկ դորանից ծնվում են շատ և շատ ուրիշ խընդիրներ, լուծելու համար մինը միւսից դժուար։ Ազգաբնակութեան խտութիւնից և աճելու ոյժից կախուած է մինչ մի յայտնի աստիճան բնակիչների հարստութեան և չքաւրութեան աստիճանը, խտութեան հետ կապուած է գողթականութեան հարցը և այն և այն։ Մի խօսքով, ես չ'գիտեմ մի այլ հանդամանք, որը այնքան մեծ ազգեցութիւն ունենար մի ազգի տնտեսական գորա հետ միասին բարոյական կեան-

քի վերայ, որքան մի երկրի ազգաբնակութեան խտութիւնը: Հարկ կալ աւելցնել, արդեօք, թէ մի երկրի ազգաբնակութեան խտութեան աստիճանը իւրաքանչւը դարի համար գոնէ մօտաւորապէս ճանաչելը մի պարտք է նաև ամեն մի պատմաբանի համար: Կարող է արդեօք պատմաբանը ուսումնասիրել մի երկրի հասարակաց և քաղաքական գրութիւնը և փոփօխութիւնները առանց հետագոտելու ազգաբնակութեան խտութեան աստիճանը: Այդ կ'նշանակէր վտանգի ենթարկուել շատ բաներ կամ ամենեին չ'հասկանալ և կամ ոչ ճիշդ մեկնել: Ենթադրեցէք, մի ըոպէ, Տիկիններ և Պարոններ, որ մի ապագայ պատմաբան լանկարծ գտնում է, որ մեր 19. դարում Եւրոպայի մի քանի երկիրներից, որպէս օրինակ Դերմանիայից, տարեկան հարիւր հազարներով մարդիկ են գաղթում դէպ Սմերիկո, բայց այս կամ այն պատճառով, մեր դարից շատ լիշտակներ չեն մնացել, որպէս զի այն մեծ պատմական փաստը մեկնել կարողանալով մենայ և նա կ'մնայ զարմացած, թէ ինչու ֆրանսիացիք չեն գաղթում, իսկ գերմանացիք գաղթում էին: Ես երեակալում եմ, թէ այն ապագայի ենթադրեալ պատմաբանները և այլ գիտնականները ինչ մեկնութիւններ կ'տային այդ երեսոյթին և ով գիտէ ինչ չեղածլատկութիւննրե կ'վերագրէին նոքա այն երկու ազգերին, որպէս զի մի կերպով հարցը պարզուէր: Եւ որքանով ինդիրը կ'պարզուէր, եթէ մեր ալժմեան ստատիստիկական աշխատանքներից մի թերթ մնացած լինէր նոցա ասելու համար, թէ գերմանացիք 19. դարում չորս-հինգ անգամ աւելի էին աճում, քան թէ ֆրանսիացիք և թէ, ուրեմն, եթէ գերմանացիք չ'գաղթէին, Գերմանիան կ'ունենար ժամանակի հանգամանքների համար հարկաւորից աւելի բարձը աստիճանի ազգաբնակութեան խտութիւն, որը կա-

րող էր մեծ թշուառութեան պատճառ դառնալ և այլն: Այդ օրինակը, որ ես բերի, հարկաւ, երեակայական էր բայց ես կարծեմ, որ նա համոզեցուցիչ է: Ես կարող եմ Զեզ մի այլ օրինակ բերել, որը առաջնի վրայ պատմական եղելութեան առաւելութիւնը ունէ: Պատմութիւնից Զեզ ամենքին յալտնի են խաչակրաց ութն անգամ կրկնած արշաւանքները Սելջուկների դէմ, սուրբ երկիրը նուածելու համար և որանք, սկսած 1096 թւեց, տեսեցին ոչ պակասան 170 տարի և աւելի անգամ: Այդքան երկար և յաճախ պատերազմներ ալլադաւաների դէմ և այն՝ եւրոպական ազգերի համար այն ժամանակներում դեռ կատարեալ անծանօթ և նոցանից հեռու երկիրներում!! Ոչ, այդ եղելութիւնը մենք մի առասպելի տեղ կ'ընդունէինք, եթէ նա մեզնից ոչ շատ հեռու դարերում անցած և ամենածիշդ վկայութիւններով հաստատուած չ'լինէր: Առասպելի տեղ կ'ընդունէինք այն պատճառով, որ նորան փաստի տեղ ընդունելու համար մենք պիտի ենթադրէինք եւրոպական ազգերի մօտ մի կրօնական մոլեռանդութիւն, որը հազիւ կարող էր թոյլ տալ այդ պերին քաղաքակրթութեան մէջ անել այն առաջադիմութիւնները, որ նոքա այն ժամանակից ի վեր արել են Իսկ եթէ այդ այդպէս է, ինչ մեծ զին պէտք է ունենայ պատմաբանի համար մի հետազոտութիւն այդ ժամանակներին վերաբերեալ, որը մեր աչքը բացէր մի անըսպելի հանգամանքի վրայ, որով կ'մեկնուէր ոչ թէ այն ժամանակուայ կրօնասիրութիւնը, այլ քօչելու, գաղթելու սէրը, հայրենիքը տարիներով թողնելու պատրաստութիւնը: Արդ մի գիտնականի հետազոտութիւն մեզ ծանօթացնում է մի ալդպիսի հանգամանքի հետ: Դիւրօ գը լա Մալլը, հիմնուելով այն գարերից մնացած վանապատկան գիւղերի «օջախ»-ների թւի և այլ հետա-

զօտութիւնների վրայ, կարծում է, որ կարելի է ընդունել, թէ 14. դարում Ֆրանսիան դեռ ամենապակասը այնքան ընակիչներ ունէր, որքան այսօր և մի այլ գիտնական, Լէօպոլդ Դըլիզ, հիմնուելով այն դարերի տասանորդ կոչուած եկեղեցական հարկերի ցուցակների և այլ դօկումենտների վրայ, իրան բաւականի հակուած է ցոյց տալիս դէպի նոյն կարծիքը: Խսկ եթէ այդ կարծիքը ճշմարիտ լինի, այդ կ'նշանակէր, թէ Ֆրանսիան, այն ժամանակուայ հանգամանքների համար, շատ և շատ խիտ ազգաբնակութիւն ունէր, այնպէս որ խաչակրաց արշաւանքների գաղափարը շատ համապատասխանում պիտի լինէր ֆրանսիացիների և գուցէ այլ ազգերի գաղթական ձգտումներին: Խաչակրաց արշաւանքների գաղափարը արդպիսով կարող էր միայն ուղղութիւն տուղ և ոչ միակ որոշող ուժ եղած լինել: Բայց խոստովանուեցէք, Տիկիններ և Պարոններ, որ պատմաբանի համար այդ հանգամանքը չէ կարող անտարբեր լինել:

Թողինձ ծուռ չ'հասկանան, ես չեմ ուզում ասել, թէ ազգաբնակութեան աճումը և խոտութեան աստիճանը մեզ ամեն բան կ'բացատրեն, իմ ասելս միայն նորանումն է կալանում, որ նոքա հասարակաց շատ երևոյթների պատճառներ են և այդ պատճառով աճման և խըտութեան աստիճանները իւրաքանչիւր ազգի և պատմութեան այլ և այլ զրջանների համար ուսումնասիրելը կարեսը բան պէտք է համարել: Այս ասած, անցնենք թւանշաններին և տեսնենք, թէ ինչպէս է վճռվում հարցը եւրոպական արդի ազգերի համար:

Այս հարցով՝ մի երկրի սզգաբնակութիւնը աճել է կամ աճում է, թէ ոչ, երկու բան կարելի է հասկանալ, նորան կարելի է հասկանալ մի անգամ այս եղանակով, թէ արդեօք վերջին ժողովրդագրութիւնը աւելի ընակիչներ

ցոյց տուեց քան մի տասը, քսան և այլն տարի առաջ արած ժողովրդագրութիւնը, թէ ոչ. բայց հարցը կարելի է և այսպէս հասկանալ, թէ արդեօք, եթէ ժողովուրդը բազմացել է, այդ բազմանալը, այդ աճումը նոյն ժողովրդի ուժովն է եղած, թէ ոչ: Որովհետեւ, Տիկիններ և Պարոններ, մի երկրի ընակիչներ կարող են բազմանալ ոչ թէ միայն ժողովրդի սեպհական աճելով, այլ և օտար երկիրների գաղթականներով. իսկ սեպհական աճումը այն է, որ ծընունդներ աւելի են, քան մահի պատեհներ: Քաղաքատնտեսի համար բազմանալու ալդ երկու եղանակները ևս կարեսը են և հետաքրքիր, բայց մի երկրի ապագալի համար, հարկ չ'կայ ասել, անհամեմատ աւելի միխիթարական պէտք է լինի, եթէ ժողովուրդը իւր սեպհական աճումով աճէ, քան այլ երկիրներոց եկածներով: Քաղթականները մեծ մասամբ բանոր դասիցն են, և նոցա համար նոցա հիւրասիրող երկիրը աւելի վաստակի, փող աշխատելու մի աղբիւր է, քան մի բուն հայրենիք այն բոլոր իդէալական հրապոլրներով, որոնք կապուած են հայրենիքի գաղափարի հետ: Բայց տեսղապէս աճող ազգերը նոքա են, որոնք աճում են ծնունդների առաւելութեամբ մահերի վրայ. գաղթականնութիւնը միայն նուազեցնում է կամ աւելացնում է այդ աւելորդից պատճառած աճումը, ուրեմն նա խազում է միայն երկրորդական դեր:

Ծանօթանանք այժմ ազգաբնակութեան աճման մի քանի երեսոյթների հետ, հիմնուելով այն ստատիստիկական նիւթերի վերայ, որ մենք ունենք եւրոպական երկիրների մասին սկսած այս դարուայ սկզբից մինչ մեր օրերը: Սկսենք նորանից, թէ արդեօք եւրոպական ազգերը աճում են, թէ նուազում:

Բոլոր եւրոպական ազգերը այն ժամանակներից, երբ

սովը և զանազան վարակիչ հիւանդութիւնները, որպէս ժանտախտ, խօլերա և այլն կամ դադարել են մռւտք գործել Եւրոպայի, և կամ աւելի սակաւ են սկսել երևալ ուրեմն մանաւանդ մեր դարում, աճել են. բացառութիւն կազմել է միայն Իրլանդիան, որի ժողովուրդի դրութիւնը Եւրոպայի ամենայետին ազգի դրութիւնից վատթար է և որի ազգաբնակութիւնը, քառասնական թւականներում գետնախնձորի հունձի ոչնչանալուց պատճառած զարկուրելի սովից և դորանով առաջացած դաշտական շարժումից միանգամայն կարգից դուրս կերպով նուազեց: Բերենք մի քանի օրինակներ Եւրոպական ազգերի աճումը այս դարում ցոյց տալու համար և այդ նպատակով վերցնենք այնպիսի երկիրներ, որոնց տարածութիւնը պատըրազմական յաջողութեան թէ անյաջողութեան պատճառով կամ ոչինչ և կամ քիչ բանով են փոփոխուած: Անգլիան (Շոտլանդիայով և Իրլանդիայով միասին) ունէր 1831 թւականին 24,392,485 բնակիչներ. տասը տարի յետոյ, 1841-ին նա ունէր 27,057,923 բնակիչներ, կրկին տասը տարից յետ նա ունէր 27,725, 949 (քիչ աւելնալուն պատճառը վերը լիշած Իրլանդական աղետն էր): 1861 թւին 29,321,288, 1881 թւին՝ 31,845,379: Իսկ Անգլիան մենակ, առանց Շոտլանդիայի և Իրլանդիայի ունէր 1831 թւին 13 միլիոն 800 հազար բնակիչներ, քառասուն տարուց յետ, 1871 թւին՝ 22 միլիոն 700 հազար բնակիչներ. Եվեցիան 2,888,000 բնակիչներից, որ նա ունէր 1831 թւին, անցաւ 4,168,000-ի 1870 թւին: Բուն Ռուսիան (միայն Եւրոպական Ռուսիան առանց Լեհաստանի և Ֆինլանդիայի) այս դարուայ սկզբում ունէր 34 միլիոն բնակիչներ, 1851 թւին նա ունէր արդէն 55 միլիոն 800 հազար, իսկ 1870 թւին՝ 70 միլիոն 467 հազար բնակիչներ:

Բելգիան, որը 1846 թւին ունէր 4 միլիոն 337 հազար բնակիչներ, երեսուն տարիների մէջ, մի միլիոնով աճեց, որովհետեւ 1876 թւին նա ունէր 5 միլիոն 336 հազար բնակիչներ: Այդ երկիրների հետ համեմատած, ֆրանսիան շատ քիչ է աճել. 1836 թւի վիճակագրութեան համեմատ, այդ երկիրը ունէր 33 միլիոն 540 հազար բնակիչներ, քսան տարի յետոյ 1856 թւին՝ 36 միլիոն 39 հազար, կրկին քսան տարի յետոյ 1876 թւին՝ 36 միլիոն 905 հազար բնակիչներ. իսկ է, այդ վերջին ժամանակամիջոցում ֆրանսիան կորցրեց Ելզաս-Լոտարինգիան մի և կէս միլիոն բնակիչներով, բայց նա ձեռք բերեց Սաքոյան և Նիցցան 689 հազար բնակիչներով:

Ես կարող էի թւանշանները շարունակել. բայց այդ ձանձրացուցիչ կ'լինէր ջեզ համար, մանաւանդ որ նոքա բոլորն էլ միւնոյն վկայութիւնը կ'տալին, այն է, որ բացառութեամբ Իրլանդիայի, բոլոր Եւրոպական ազգերը աճել են և աճում են: Բայց մենք դորանից աւելի բան էլ գիտենք. մենք գիտենք ալժմ, որ այդ ազգերը ոչ թէ միայն աճում են, այլ և այն, որ նոքա աճում են կանոնաւոր կերպով, առանց ընդհատութեան և մենք գիտենք միւնոյն ժամանակ, որ այդ բոլոր ազգերի աճումը միւնոյն չափով չէ լինում, այլ իւրաքանչիւրը նոցանից ունէ, ի հարկէ միայն մօտաւորապէս խօսած, իւր աճման պրօցէնտրը:

Բնակիչների աճելութիւնը, մի ազգի կենդանութեան, կեանքի հետ մրցելու ընդունակութեան նշան է, երբ դորա հետ միասին հարստութիւնները աւելանում են: Կան աշխարհիս երեսին շատ ազգեր, որոնք տարեցըտարի փոքրանում են, առատ և առողջ սերունդ տալու անընդունակ լինելով. Աւստրալիայի և Ովկիանիայի շատ ցեղեր այդ հանգամանքի մէջն են: Բայց եթէ աճելու-

թիւնը կենդանութեան, առողջ ցեղի պատկանելու նշան է, համարձակ կարելի է ասել, որ կանոնաւոր, անընդհատ և, որքան կարելի է միատեսակ, միշտ մի յալտնի չափով աճելը — քաղաքակրթութեան, կուլտուրի նշան է: Ես Զեզ կ'ինդրէի, Տիկիններ և Պարոններ, մի ըոպէ այս խորհուրդածութեանը հետևել. Ե՛ բբ կարող է մի ազգ կանոնաւոր կերպով աճել: Այդ կարող է պատահել միայն այն ժամանակ, երբ ամեն տարի մօտաւորապէս միւնյն չափով պսակներ կատարուեն. որովհետև մենք գիտենք արդէն, և գորա մասին վերը խօսացուեց, որ ամեն ազգ իւր բերրութեան չափսը ունէ, այնպէս որ, եթէ ամեն տարի միւնյն չափսով պսակներ կատարուեն, մենք հիմք կ'ունենանք ընդունելու, որ և ամեն տարի մօտաւորապէս հաւասար թերով երեխաներ պիտի ծնուեն. մնում է ուրեմն, կանոնաւոր և անընդհատ աճելու համար, որ բացի պսակների հաւասարութիւնից, մահացութիւնն էլ մի երկրում ամեն տարի մօտաւորապէս միւնյն չափսի վրայ մնայ: Բայց ինչո՞ւ առաջ աւելի մեծ անկանոնութիւններ էին պատահում պսակների և մահերի թըւերի մէջ: Պատասխանը դժուար չէ գտնել. վարակիչ հիւանդութիւնները մի երկրի ամբողջ ազգաբնակութեանը երբեմն կէսը և աւելին անգամ զոհ էին տանում, ուրեմն ոչ թէ միայն ծնունդների չափ, այլ և աւելի. իսկ այժմ եւրոպայում, ուզում եմ ասել բարձր քաղաքակրթութեան շրջանակում, այդ տեսակ հիւանդութիւններ կամ այնքան յաճախ մուտք չեն գործում, որովհետև միջոցներ են գործ դրվում, որ այդ հիւանդութիւնները, որոնք Արևելքում, Ասիայումն են ծնվում, մինչ Եւրոպա չ'հասնեն. և իամ եթէ մուտք գործում են՝ նոքա այսօր այնքան զարհուրելի չեն, որքան առաջ: Ահա Զեզ ըոպէս ապացոյց մի կարճ թւական պատկեր

անցեալից և ներկայից. թողնենք դեռ 1348 թւի ժանտախտը, որի զոհերի թիւը հաստատ չէ, բայց որի առիթով, հիմնուած նորագոյն պատմական հետազոտութիւնների վերաբ, կարելի է հարցնել, թէ այն թւականին մնաց արդեօք կենդանութեան մէջ Եւրոպայի այն ժամանակուայ բնակիչների գէթ կէսը... Մեզ աւելի մօտ ժամանակներս, մի երկու հարիւր տարի առաջ, 1663 թըւին Լօնդօնում մեռան ընդամենը 15 հազար 300 անձեր, երեսի մօտաւորապէս նոյնքան, որքան սովորապէս. հետևեալ տարում մեռնողների գումարը բարձրացաւ մինչ 97 հազար 306, որից 68,596 ժամտախտին զոհուեցին: Ըստ Դօքտոր Ֆարբի այդ այնքան կորուստ էր այն ժամանակուայ Լօնդօնի համար, որքան այդ կ'լինէր այժմեայ Լօնդօնի համար, եթէ այդ քաղաքում մի տարուայ մէջ 600 հազար մարդիկ մեռնէին: Համեմատեցէք այժմ նոր ժամանակների վարակիչ ցաւի՝ խօլերայի հետևանքները. գորանով մեռան Լօնդօնում 1832/<sub>33</sub> թւին 6,729, 1848/<sub>49</sub> թւին՝ 14,610, 1854 թւին՝ 11,661 և կամ 17,919 մարդիկ, եթէ հաշուելու լինինք խօլերայի նման հիւանդութիւններից մեռածները ևս: Ամբողջ Ֆըրանսիայում տարաւ խօլերան 1832 թւին՝ 102,735 մարդիկ, 1849 թւին՝ 100,110 և 1854 թւին՝ 145,541 (Խրիմի պատերազմը): Իտալիայում տարաւ խօլերան 18-66/<sub>67</sub> թւին 147,682 երկու սեռից գրեթէ բոլորովին հաւասար անձեր: Այդքան օրինակներ բաւական են ապացուցանելու համար, որ եթէ մեծ և անսովոր կոտորածներ գեռ պատահում են Եւրոպայում, վաղուայ ժամանակներում նոքա աւելի մեծ էին:

Հիւանդութիւններից յաճախ էր սովը և կամ ցորենի մեծ անառատութիւնը. սովից մարդիկ մեռնում էին, մանաւանդ խեղճ դասից, իսկ դորա հետ միասին պսակ-

Ների թիւը այդպիսի տարիներում նուազում էր. կրկին մի պատճառ ուրեմն, թէ ինչու ազգաբնակութիւնը շարունակ և կանոնաւոր կերպով չէր կարող աճել: Սովոր կամ թանգութիւնը երերմն շատ յաճախ էր պատահում և, ինչ աւելի վտանգաւորն է, երերմն տարիներով շարունակում էր: Բայց այդ առարկայի հետ, Տիկիններ և Պարոններ, Դուք պիտի ծանօթ լինէք. մի երեք տարի առաջ Հայաստանում պատահածը Չեզ ծանօթացրած կը լինի սովի և թանգութեան գաղափարի հետ: Արդ, ինչ կ'կարծէք—Եւրոպայում սով ասած բանը գեռ աւելի արմատական կերպով է ոչնչացել, քան ժանտախտը: Սովը անկարելի է դառել Եւրոպայում շնորհիւ երկաթուղիական և նաւազնացութեան ընդարձակ զարգացման և առևտուրի մէջ մտցրած մրցութեան. և ոչ թէ միտին սով չ'գիտէ այժմեալ Եւրոպան, այլ նա հացի մեծ թանգութիւն էլ չ'գիտէ, որովհետեւ, շնորհիւ գլխաւորապէս վերը լիշած հանգամանքներին, ցորենի գները Եւրոպայում շատ չեն տարբերվում, երբէք թանգութիւն զգացնելու չափ չեն բարձրանում, թէպէտեւ ցորենի, որպէս նաև երկրագործական այլ բերքերի գները Եւրոպայում աւելի բարձր են և բոլոր խիտ բնակեցրած երկիրներում պէտք է անպատճառ աւելի բարձր լինեն: Բայց եթէ Եւրոպայում ցորենի գինը առհասարակ աւելի բարձր է, քան ուրիշ տեղերում, այդ գեռ չէ նշանակում, որ ցորենը Եւրոպայում միշտ թանգ է, որովհետեւ գների բարձրութեան համեմատ այնտեղ նաև ժողովրդի ընդհանուր հարստութիւնը աւելի մեծ է, քան այլ տեղերում:

Տարափոխիկ սաստիկ հիւանդութիւններից և սով ու թանգութիւնից զատ կար առաջ նաև մի այլ հանգամանք, որը խանգարում էր ազգաբնակութեան կանոնաւոր աճելուն, այդ՝ այն անկատար դրութիւնն է,

որի մէջ գտնվում էր պատերազմական արհեստը, համեմատած այդ արհեստի ալժմեալ դրութեան հետ: Նախ պէտք է այս ի նկատի առած, որ վաղ պատերազմներ շատ աւելի յաճախ էին պատահում, քան այժմ, և դորա ամենագլխաւոր պատճառը նորանում պիտի որոնել, որ վաղ տէրութիւն տէրութեան հետ, ազգ ազգի հետ այնքան մեծ մտաւոր և առևտրական լարաբերութիւններ չունեին, որքան այժմ. իսկ ուր ազգերի մէջ մտաւոր, բարոյական և նիւթական համերաշխութիւնը նուազէ, այնտեղ նաև իրար դէմ վրդովուիլը, իրար ատելը և իրար հետ կոռւելը աւելի հեշտ է: Միւս կողմից Եւրոպայի այժմեալ տնտեսական ոլժի հիմքերը նշանաւոր կերպով փոխուել են. գործարանական արդիւնաբերութիւնը այժմ, Եւրոպայի ամենազարդացած երկիրների համար, գերակշռ գեր է խաղում, մինչդեռ առաջ գործարանութիւնը, համեմատած երկրագործութեան հետ, միայն երկրորդական տեղ էր բռնում: Իսկ գործարանական արդիւնաբերութիւնը չի կարող մեծ ընդհատումներ, երկար պատերազմներ համբերել, նախ, որովհետեւ մի երկրի գործարանականութիւնը մեծ մտաամբ հիմնուած է մի այլ երկրի հում բերքերի վրայ, իսկ երկրորդ, որովհետեւ մի երկրի գործարանական արտադրութիւնները երեմն ահագին չափսերով ծախվում են այլ երկիրներում: Եւ որովհետեւ Եւրոպայի երկիրները այդպէս իրար հետ կապուած են, նոցա համար մի աւելի մեծ աղետ չի կարող լինել, քան երկար պատերազմներ: Պատերազմական արհեստը, իւր կատարելագործութեան մէջ, կարծես հետեւ է անտեսական այդ նոր պահանջներին. շնորհիւ ընդհանուր զինւրագրութեան, որով այժմեալ մեծ զօրքերը Եւրոպայի մեծ տէրութիւններում կոռի ժամանակ հասցվում են մինչ մի միլիոն զինւրաների և աւելիին անգամ. շնոր-

Հիւ երկաթուղիների և զօրքերի մէջ մտցրած խիստ կանոններին, դիսցիպլինային և մթերքների նախապատրաստութեան, որոնցով կարելի է դարձուած մի քանի շաբաթներում մի միջինաշափ զօրք սահմանի վերայ կենդրոնացնել. շնորհիւ հրաձիգ զէնքերի կատարելագործութեան, որը այժմ թոյլ է տալիս հրացանի գնդակը մինչ, եթէ չեմ սխալվում, մօտ մի վերստ և կէս հեռաւորութեան հասցնել և միեւնոյն հրացանը, աննշան ընդհատութեամբ տասնեակ և հարիւրաւոր անգամ պարագել. շնորհիւ, վերջապէս, հայրենասիրական զգացմունքի արթնութեան, ժողովուրդի աւելի բարձր մտաւոր զարգացման, պարտաճանաչութեան աւելի գեր աստիճանին և նիւթեական բարձրացած կարողութեան, որոնցով միայն կարելի է դարձրած վերը յիշած կատարելագործութիւնները գործի դնել. շնորհիւ, ասում եմ, այդ բոլորի և գուցէ այլ նորմուծութիւնների, որոնց գիտենալը մասնագէտի գործ է, այսօր թշնամական ոյժերը հանդիպում են իրար աւելի մեծ ոյժգնութեամբ, աւելի մեծ սաստկութեամբ, քան առաջ և, նոյն իսկ այդ պատճառով, թոյլ կողմը աւելի արագ է սպառում իւր ոյժերը. իսկ ուժեղը նոյն չափով աւելի արագ է վերջացնում յաղթութեան գործը: Ահա ինչու այսօր ամենաահեղ պատերազմը անգամ տեսում է ոչ աւելի, քան մի որևէ կէս տարի, մի տարի վերջապէս և ոչ թէ ամբողջ տարիներով և կամ տասնեակ տարիներով, որպէս այդ առաջ էր լինում: Ես չեմ ուզում շատ հեռու գնալ և օրինակները բազմացնել. յիշեցէք 17-եր. դարից միայն երեսուն տարուայ պատերազմը, 18-եր. դարից՝ եօթը տարուայ պատերազմը: Արդ, ազգաբնակութեան աճման և կանոնաւոր աճման համար բոլորովին անտարբեր չէ, թէ մի պատերազմ կարճ է տեսում, թէ երկար: Առաջուայ երկար տեսող պատե-

բազմները թէպէտև համեմատապէս աւելի քիչ մարդիկ էին կոտորում պատերազմական դաշտերում, քան ալժմ, բայց նոցա երկրին տուած վնասը աւելի մեծ էր, քան այն, ինչ տալիս են այժմեայ պատերազմները: Դեռ սովորած չը լինելով յարգել թշնամուն, սովորած չ'լինելով խիստ դիսցիպլինային, չունենալով և կամ չ'յարգելով միջազգային դաշնագրութիւնները, պատերազմող կողմերը նեղացնում էին գիւղացիներին, աւերակ էին դարձնում գիւղ ու քաղաքները կողոպտելով ժողովուրդը. ինչ խօսք կայ, որ նոյն իսկ ժողովուրդը, անապահովութեան և վախի զգացմունքի ազգեցութեան ներքոյ կամ մասնակցելով անվերջանալի կուիւներին, իւր խաղաղ սովորութիւններից կամաց կամաց յետ էր սովորում և ընտելանում էր հակաքաղաքակրթական և բարբարոս գաղափարների հետ, որոնք, նոյն իսկ պատերազմից յետոյ, տասնեակ տարիներով իշխում էին թէ ընտանեկան և թէ հասարակական կեանքի վիրայ: Դողութիւնը և աւազակութիւնը կարող էին և շարունակուել, բնաւորութեան կոպտութիւնը և գոռոզութիւնը կարող էին մնալ և պատերազմից յետոյ: Մի խօսքով, վաղ պատերազմները ըստեղծում էին հանգամանքներ, որոնց մէջ ազգաբնակութիւնը ամբողջ տարիներով չէր կարող աճել, իսկ եթէ աճում էր, այդ լինում էր անկանոն կերպով. մինչեռայսօր, պատերազմների զարմանալի կարճատեսութեան պատճառով, պատերազմող երկրի ներքին կեանքը, բընակիների վարք ու բարքը շօշափելի կերպով չէ փոխվում պատերազմի վերջանալուց յետոյ: Ստատիստիկական թւանշաններով հաստատուած է, որ պատերազմից պատճառած պակաների սակաւութիւնը և մահի պատեհների յաճախութիւնը, ազգաբնակութեան թւի նկատմամբ, մասամբ անվնաս են անցնում նորանով, որ պատերազմից

յետոյ, մահի պատեհները գրեթէ նոյնը մնալով, որպէս առաջուալ խաղաղ տարիներում, պսակների թիւը և դորա հետ ծնունդների թիւը սովորականից անհամեմատ աւելի են լինում: Նատ օրինակներից բերենք այստեղ միայն մէկը. Ֆրանսիայում, չհաշուելով Ելզաս - Լոտարին-գիան, կատարուեցին պատերազմից մի տարի առաջ, այն է 1869 թւին 303,482 պսակներ, ծնուեցին 948,526 ոռողջ երեխաներ և մեռան նոյն տարում 864,320 հոգի: Հետեւեալ տարին, ամռան, պատերազմը սկսեց. պսակների թիւը եօթանասուն հազարով պակսեց, ծնունդների թիւը, հասկանալի պատճառով, մնաց գրեթէ միենոյնը, իսկ մեռնողների թիւը 182 հազարով աւելացաւ: Ի նկատի առեք այժմ, որ պատերազմի դաշտերում անմիջապէս սպանողներ աւելի քիչ են լինում քան թէ պատերազմում վիրաւորուածները, որոնք միայն յետոյ են մեռնում. իսկ ծնողներ պատերազմից անմիջապէս յետոյ աւելի քիչ պիտի լինեն, որովհետեւ իննը նախսրդ ամիսներում պսակներ աւելի քիչ պիտի կատարուած լինէին, որպէս և հաստատուեց: Ալդ հանգամանքներով մեկնփում են այն թւանշանները, որ մենք պիտի բերենք ներքեւ 1871 թւի համար: Հետեւեալ 1872 և 1873 թւականներին, որպէս շուտով կ'տեսնենք, պսակների թիւը, չնայելով ազգաբնակութեան ահազին կորուստներին, նախորդ երկու տարիներում սովորականից շատ աւելի էր: Կ'խնդրեմ, որ ինքներդ համեմատէք հետեւեալ թւերը իրար հետ:

| Պսակներ           | Կենդանի  | Մահի      |
|-------------------|----------|-----------|
| Ճառագներ          | Ճառագներ | պատեհներ  |
| 1869 թւին 303,482 | 948,526  | 864,320   |
| 1870 223,705      | 943,515  | 1,046,909 |
| 1871 262,476      | 826,121  | 1,271,070 |
| 1872 352,754      | 966,000  | 793,064   |

|      |         |         |         |
|------|---------|---------|---------|
| 1873 | 321,238 | 946,364 | 844,588 |
| 1874 | 303,113 | 954,652 | 781,706 |
| 1875 | 300,427 | 950,975 | 845,062 |

Սկզբ ամփոփենք մեր բոլոր ասածները ազգաբնակութեան աճման կանոնաւորութեան վերալ: Մենք տեսանք, որ կանոնաւոր, ալիքնքն ամեն տարի աճելու և այն՝ ամեն տարի մօտաւորապէս միւնոյն չափով աճելու համար, հարկաւոր է, որ մի երկրի մէջ չլինեն, ըստ պատահեն պսակները խանգարող և մեռնողների թիւը շատացնող հանգամանքներ: Բայց այդպիսի հանգամանքներ եւրոպալի համար առաջ անհամեմատ աւելի շատ կային, քան այժմ, 1) ժանտախտը եւրոպալում այլ ևս չէ երևում. խօլերան. որը նոր ժամանակների հիւանդութիւն է և որը այս գարում բագմից անդամ արշաւանքներ է գործել գէպի եւրոպալ և մեծամեծ զոհեր տարել, ժանտախտի նման զարհութելի չէ: 2) սովը և կամ հացի չափազանց թանգութիւնը, որոնք առաջ սովորական և յաճախ կրկնուղ երևութիւններ էին, եւրոպալում այժմ և արդէն վազուց, չկան. 3) պատերազմները վազ անհամեմատ աւելի երկար էին տեսում, քան այժմ և աւելի էին վնասում թէ մարդկեր անց և թէ գուքերին, քան այժմ: Գուք գուցէ մոռացած չլինէք, Տիկիններ և Պարոններ, որ այս բացատրութիւնները բերելու նպատակն էր ցոյց տալ, որ, եթէ ազգաբնակութեան աճումը մի ազգի կենդանութեան, առողջութեան հետեւանքն է, կանոնաւոր և անընդհատ կերպով աճելը — քաղաքակրթութեան նշան է: Աճումը, ինքն ըստ ինքեան, ցոյց է տալիս, ոլ մի ազգ քաղաքակրթուելու ընդունակ է, իսկ կանոնաւոր աճումը ցոյց է տալիս, որ ալդ ընդունակութիւնը արդէն գործի է դրուած յառաջադիմութիւն արուած է: Բայց, արդեօք կատարեալ կանոնաւոր աճում իրագործուած է մի որևէցէ երկ-

ըում? Ոչ. ինչ կարելի է հաստատ և համարձակ ասել, այդ միայն այն է, որ Եւրոպայի գրեթէ բոլոր երկիրներում ազգաբնակութիւնը, շատ սակաւ դիպուածների բացառութեամբ, ամեն տարի աճում է և երկրորդ, որ այդ աճումը այս դարում աւելի հաւասար կերպով է կատարում, քան առաջ: Ասում եմ միայն աւելի հաւասար, որովհետև եթէ իսկապէս համեմատելու լինենք մի երկրի ազգաբնակութեան աճելութեան աստիճանները ամեն մի տասը տարիների համար, կ' տեսնենք նոցա մէջ երբեմն շատ մեծ գանազանութիւններ:

Ես կարծում եմ, Տիկիններ և Պարիններ, որ այժմ տեղն է մի քանի թւանշաններ ներ ձեռք տալ, որպէս զի կարողանաք մի գաղափար ունենալ Եւրոպական ազգերի աճման աստիճանների մասին և այդ նպատակով օգտուենք այն բոլոր ստատիստիկական տեղեկութիւններից, որ մենք ունենք այդազգերի մասին սկսեալ այս դարուայ սկզբից մինչ վաթսուն թւականները: Այն ժամանակ կ' իմանանք, որ ամենից շատ աճող երկիրը այն է, որը ամեն տարի բընակիչների 1. 45 պլրօցէնտով է աճում, դա Թուսիան է. լետոյ գալիս են Սաքսոնեան 1. 41 պլրօցէնտով, Անգլիան (առանց Շոտլանդիայի և Իրլանդիայի) 1. 37 պլրօցէնտով, Պրուսիան 1. 16 պլրօցէնտով և այլն շարունակ մինչ Ֆըրանսիան, որի ժողովուրդը Եւրոպայում ամենից քիչ աճողներիցն է, այնէ՝ տարեկան միայն 0. 48%: Մնացած ազգերի մեծ մասը բռնում են դոցա մէջ տեղը:

Այդ մի քանի տրուածներից Դուք կարող էք արդէն եզրափակել, որ, մինչդեռ մի ազգ, մի երկրի ընակիչներ մօտ 70 տարիներում կրկնապատկվում են, միւս երկիրներում կրկնապատկուելու համար հարկաւորվում են ութսուն, հարիւր և մինչև անդամ երկու հարիւրից աւելի տարիներ: Մենք հայերս այդ հանգամանքներից որի՞ մէջն ենք արդեօք...

## ԱԽԱԼՆԵՐ

| Երես | Տող   | Տպառծ է    | Կարտաւ         |
|------|-------|------------|----------------|
| 24   | 2     | դառան      | դառաւ          |
| 30   | 11    | տար        | տալին          |
| 31   | 6     | այդ        | այն            |
| 62   | 16    | տեսակետը   | տեսակէտից      |
| 64   | 22-23 | յատկութիւն | յատկութիւններ. |

ՊԵՐԵՎԱՐ

| ՀԱՅՈՒԹ        | Տ. ՀԱՅՈՒԹ     | Տ. ՀԱՅՈՒԹ     |
|---------------|---------------|---------------|
| առողջ         | մասնակ        | առողջ         |
| միջամատ       | մասնակ        | միջամատ       |
| մասնակ        | մասնակ        | մասնակ        |
| պահպանություն | պահպանություն | պահպանություն |
| պահպանություն | պահպանություն | պահպանություն |

ՀՀ Ազգային գրադարան



NL0596842

60  
489

